

萬有文庫

第二集七百種

王雲五主編

湖海詩傳

(七)

王昶輯

商務印書館發行

湖海詩傳

(七)

王昶輯

國學基本叢書

表忠觀錢王祠。趙公奏疏蘇公碑。匪私於錢忠以勸筆力透紙蟠蛟螭。至今往蹟半零落。賴此激發行
人悲。吾來碑下剝薜讀。俯仰形勝增嗟唏。金陵錢塘兩都會。東南財賦稱不訾。真人乘運宰天下。南唐逆
命遭創夷。忠懿去國等傳舍。歸土不必勞王師。錢塘遺民數十萬。湖山依舊紛遊嬉。玉帛子女久相保。康
王南渡猶堪支。勒勳應得鑄鐘鼎。此碑良足千秋垂。廬陵作史論十國。胡乃於此多微辭。吁嗟八姓代五
易。中原塗炭無窮期。黥髡盜販乘間起。四方豪傑分邊陲。閩陋荆蹙蜀漢險。紛紜蟻子爭雄雌。堂堂勳爵
出吳越。擊郢功始乾符時。破劉誅董樹奇績。功成受賞王爵宜。歸鄉慷慨歌民俗。牛斗無亭人無欺。勤修
職貢可安堵。何愛象犀水貝璣。剽剝豈不犯衆怒。保俶奚爲民思之。可知忠孝世所守。元氣能入人肝脾。
爾時九國皆僭亂。以較吳越似者誰。熙寧往事忽千載。龍山回首觀已隳。歸然此祠又誰作。靈風颯爽懷
鬢眉。荒碑風雨幾秋徙。日銷月鏤還扶持。感歎今昔淚雙墮。摩挲不惜手生胝。

對月待友人不至

松際月初上。山中人未歸。鐘聲何處起。煙樹望中微。瘳影移筇竹。寒光照客衣。此時可乘興。未得掩雙扉。

西湖雜詩

樓外湖光一鏡如。憑闌隔柳看叉魚。山廚亭午炊煙直。正是銀刀出水初。
楊公隄畔水田圍。烏柏陰中布穀飛。若得一犁兼一犢。箇儂於此澹忘歸。

九里松陰山徑開。琮瑋溜玉樹邊來。聽泉一路過三竺。又值雲林放梵回。
采茶歌絕采蓮歌。扇月衣風瑟瑟波。試罷旗槍閒倚檻。夜來香在水亭多。

金兆燕

字鐘越。號棕亭。全椒人。乾隆三十一年進士。官國子監博士。有棕亭詩鈔。

蒲謁山房詩話。棕亭遊黃山。諸作奇崛可喜。常過吳門。訪余不值。寄詩云。山塘碧漲水初肥。柳下停舟一歎扉。臥榻不離裁竹徑。行窩祇傍釣魚磯。半簾疎雨客何處。滿地落花春欲歸。莫歎維摩頰示疾。天涯人亦減腰圍。又工院本。在揚州作旗亭畫壁記。虛雅雨運使刻之。生平不耐靜坐。愛跳躑。多言笑。故時人目爲喜鵲。

文殊院

登山不問途。容足便舉趾。雲肆垂仙蕤。霞窟疊幻綺。滑捫蛟室腥。險攀雀巢窟。企空隔仙凡。移步判生死。從僕勉後隨。導僧屢前俟。穿透天一線。漸覩海千里。蹒跚入小菴。枯衲方隱几。炷竈蒸白晷。石鼎煮赤米。休足得展目。杉根頻徙倚。奇石擲元熊。怪松鬪蒼兕。佳境知漸入。未敢言觀止。不待曉鐘鳴。牀頭覓棕履。

慈光寺

雲裏來鐘聲。不知寺何處。但見猓猿羣。紛紛入竹去。深澗架獨木。俛仰絕所據。路轉境乍闢。紺宇互蹇齋。峭壁作繚垣。陰森舛昏曙。遙筭十餘里。清泉不假濾。古佛參四面。塵緣滌萬慮。秋旻月正高。山氣寒相助。日晞獨蒙絺。夜闌謀擁絮。詰朝更探奇。濟勝具當豫。藤杖選枯根。芒鞋剔殘淤。燈下強老僧。由郵細條疏。

鍊丹臺

我生困塵濁，偃蹇蟪蛄窟。欲乞餐霞方，那無入星骨。履險捩微軀，探異陟碑兀。筇杖荷芝筴，不敢畏顛蹶。軒皇乘龍後，僊境多荒忽。嵬然鍊丹臺，萬古高嶮嶮。鼎銚偃空山，龍虎氣未歇。孰調文武火，嬰姪燄騰勃。山腰百步梯，一步一跪膺。後肩續前踵，上履蹠下髮。銜尾似渴鼠，帖腹若飢蝸。踟膝憩崇岡，齋心通冥謁。白雲爾飛來，吾將排金闕。

舟過樵李

枉渚由拳北，寒雲上杳冥。酒傾銀鑿落，歌愛玉瓏玲。磨劍千年石，落帆何處亭。鴛鴦湖畔月，今夜照孤舲。

寄懷吳岑華先生

西風木落萬山秋，倦客懷人獨倚樓。月到古牆聞蟋蟀，夢回空館聽鶻鷗。定知舊徑懷羊仲，誰向新豐識馬周。江水冬春如皎鏡，何時搖艇一來遊。

貝葉金經小閣中，知君權實悟皆空。香爐鵲尾安髻几，文竹魚須冷畫蘂。自放形骸友麋鹿，閒看得失鬧鷄蟲。三塗八難消除盡，底事還留綺語工。

秋日過歙西鄭氏書樓偕吳二猷芍小步近山同訪吳大松原歸飲月下三十韻

千峯曙色曉蒼蒼，極目西風客思長。藻井蕭晨辭燕婢，綺塍豐歲咒鴉娘。偶經古鎮知巖邑，爲訪幽齋過

野塘小閣高懸徐孺榻。寒流斜抱鄭公鄉。疎籬六枳開花徑。曲岸雙扉轉畫廊。旖旎青帘沾酒市。彌環絳帳讀書堂。高名自昔原齊富。奇字如今只問揚。上足人皆夢秋駕。垂髫女亦誦靈光。垣衣雨後侵琴薦。壁帶塵中冷劍囊。塢厓米山鷓細溜。牙籤鄴架體牢裝。一編別集名乾牒。幾闋新詞號弁陽。露澣薔薇纔擷秀。霞明楓櫺更蕚芳。橋橫略徇明紋穀。鐘吼蒲牢出寶坊。擁展乾沙枯澀澀。罨衣弱蔓古藤僵。鶴巢晚隱深林亦。鹿柴晴堆落葉黃。雲過歌臺鳴響玉。苔封恨冢弔幽香。百弓地復開佳境。半刺綾旋謁阿荒。戶對奇松青倚蓋。堂迎修竹綠排槍。檝頭船小牕前過。洗手花粗砌畔昂。鐵榦丁丁聞啄木。金鈴楚楚見治牆。翠屏如畫橫高巘。細裘連雲壓古牀。據案書癡應似竇。揮毫草聖詎輸張。山分點允真堪羨。津躍機雲不可常。險磴迴尋朝徑。仄虛簾早見夜燈煌。論文座上冥心會。射覆筵前蓄意藏。紅燭刻時詩虎捷。白波卷處酒龍狂。何須倚檻悲王粲。且自欵巾問葛疆。蛩語驚心喧四壁。虬壺瀝耳報三商。國香忽入林蘭隊。經袖真趨帶草旁。雙眼矐矐濃醉後。一輪寒月滿樓霜。

謝垣

字東君嘉善人。乾隆三十一年進士。官刑部主事。有壺嶺山房前後詩集。

蒲褐山房詩話。東君家住風溪。是水雲深處。性情蕭曠。雅尚清幽。能畫尤善琴。跡涉軟紅。志同物外。與其弟崑城少宰。比屋而居。一則丹轂盈門。一則青苔滿院。披其帷其人。斯在。識者有殷韓之別焉。詩近韓冬郎錄其住者以見一斑。

秋夜

成飲難耽寐。易吟易得愁。月明窗誤曙。霜冷被知秋。紅葉吳僧寺。黃花楚客舟。幾時幽賞遂。慚愧海邊鷗。

七夕前一日

初鳴蟋蟀早秋涼。團扇還憐夜未央。解恨欲傾千日酒。招歡聊爇五雲香。柳因腰瘦難舒眼。藕爲心虛易斷腸。聞道來宵牛女會。起看銀漢露霑裳。

嘉禾寓中聞秋蟲

何處瓜畦絡緯聲。虛堂欹枕正三更。旅人本少思鄉夢。都被秋蟲暗織成。

沈世燁

字吉甫。號南雷。仁和人。廷芳子。乾隆三十一年進士。官至禮部郎中。有澹俱齋詩集。

再過郎岱恭朗軒司馬招飲夢魚亭卽席率賦

薇省相親憶昔年。重教兩度續前緣。茅亭小築依苔徑。山雨初來響石泉。萬里征塵銅鼓外。一尊鄉思鏡湖邊。多君念舊情彌切。欲別重留意悵然。

孫志祖

字詒穀。仁和人。乾隆三十一年進士。官至監察御史。有頤谷吟稿。

蒲褐山房詩話語。語。語。性。情。瀟。灑。清。修。自。好。由。西。曹。而。擢。監。垣。卽。以。病。歸。湖。上。中。年。後。留。心。經。籍。作。家。語。疏。證。六。卷。蓋。王。肅。假。此。以。難。鄭。君。詒。穀。條。分。縷。晰。解。其。癥。結。有。功。于。鄭。學。者。甚。大。其。界。如。文。選。理。學。權。輿。補。一。卷。攷。異。四。卷。李。注。補。正。四。卷。刻。於。桐。鄉。顧。氏。蓄。畫。樓。叢。書。中。皆。見。詳。核。子。同。元。能。傳。家。學。

寄懷詠駿弟客湖南

別緒思無端。難忘送行日。風颺知袂寒。雨灑庫篷密。男兒羨壯遊。輕裝遽遠出。我歸夜已闌。秉燭恍有失。卻憶對牀時。聲聲聽蕭瑟。長安名利場。迫我離親側。獻策笑別庭。讀書慚而壁。落托意何如。倏然歸故室。渡江得家書。字細紙纔一。誰知脊令飛。翻作鴻雁別。過廣陵。知昆園。兄已至粵東。念我出游初。年纔十六七。王申進京時。余年十六。汝今年略似。頗亦愛詩筆。洞庭亘綿緲。騷人代著述。橘柚垂秋深。烟波澹木末。嗟子行役者。彈指光陰疾。為詠三陟章。安能久鬱鬱。

落葉

秋霜一夜衆林萎。葉落成堆未掃時。流水年華人易感。辭柯消息鳥先知。小園竹徑風聲寂。遠樹柴門日影移。莫道婆娑生意盡。憑闌點筆好題詩。

彭禮

榜姓吳。字行之。鎮洋人。乾隆三十一年進士。官寧武知縣。有北窻吟藁。

宿榔梅菴

片玉樓頭拄杖輕襟情瀟洒俗塵清。直將海氣疑雲氣。祇有泉聲雜雨聲。清磬遠傳齋醮肅。翠嵐遙接篆煙平。雕甍鉤砌仙階近。閒繞朱欄獨自行。

次韻陳玉臺侍御京邸見贈之作

一從捧檄出京華。獨向三邊坐吏衙。無復春明敦舊雨。祇看秋塞溷寒沙。漫勞雛鳳新章好。來詩尾句云。喜聽清聲在雲路。丹山雛鳳啄桐花。蓋爲次男兆神作也。最憶元龍逸興賒。但得郵籤時遠遞。絕勝隴上寄梅花。

行縣至黃松洞

碧峯陡立勢巖岈。仄徑崎嶇屐齒艱。深澗有果容易沁。洞門無路孰爲攀。沙盤鵬翮遙遙認。樹作龍鱗面面環。一事差羸樂天叟。不須偷出事遊山。

齊雲山天門

境入仙源勢屈蟠。碧雲深處任登攀。神靈不阻修真路。閭闔先開第一關。

香爐峯

絕磴高陵碧澗空。孤撐石鼎篆雲濃。人間香火應嫌褻。縹緲憑虛峙一峯。

徐以坤

字含章。號毅菴。德清人。乾隆三十三年舉人。官國子監博士。四庫館書成。議叙以主事用。

蒲褐山房詩話。裴菴爲觀察以秦之弟好學能詩。與錢樺石查藥師友善。所作亦如之。而中年病瘵。不能出庭戶。雖入京師爲杉勘官。盤桓一室。四面皆護以重幃。日中往往燒燭檢書。好延賓客。予常入其臥內。又使其子受業。且命之歸。浙江賦明年。子暴卒。穀菴病已劇。遂請假歸。未幾亦歿。詩文俱軼。

九日

怕說題餼節。愁多病日侵。帶圍看又減。藥裹嬾重尋。寥廓悲秋氣。粗豪伏櫪吟。茱萸休細把。逆旅任光陰。

戲爲絕句

蕪城春雨柳穆穆。司理年時酒榼擔。明月二分橋廿四。好春天付與江南。秀州一老腹便便。博物研經取次專。詩史一朝公論在。獨嗤蒙叟愛松圓。

陸敬

字默齋。吳縣人。乾隆三十三年舉人。官內閣中書。

普門焰口行

老僧登壇作胡語。普度十方落法雨。林深月黑風颼颼。恍惚靈來嘯儔侶。空中陣陣飢鴛呼。臺上梵唄聲模糊。願將調御慈悲力。先使人間少餓夫。

獨遊武林雨中至舊館

荷笠重尋勝。茲遊信不羣。人如曾識燕山有。未歸雲隔岸。雙峯隱衝烟。一艇分臨風。懷舊侶。話雨爇鑪薰。

陳初哲

字在初。號永齋。元和人。乾隆三十四年殿試第一人及第。官至荆宜施道。

張桐村屬題垂釣圖

穿林坐石面晴湖。分得閑身六逸圖。掉首好從巢父去。一竿東海拂珊瑚。
斜風細雨人吟毫。漁父詞成托興高。我欲煙波最深處。也投香餌釣連鰲。

陳嗣龍

字春淑。平湖人。乾隆三十四年殿試第三人及第。今官副都御史。

遂平館舍和褚筠心前輩韻

幾日看紅葉。重來蔭綠天。霜華憑點綴。樹影得清圓。讀書雲生壁。敲詩硯滴泉。僕人貪偃臥。那解愛便妍。
旅迹原泥爪。脩然客思增。林深遲夜漏。風細颭秋燈。小憩何嫌久。迴闌取次憑。皇華期報命。信宿敢云能。

任大椿

字幼植。一字芝田。興化人。乾隆三十四年進士。官至監察御史。

蒲褐山房詩話幼植少以詞賦知名。所擬古樂府劇爲錢文端公所賞。旣而覃精經術。尤熟於爾雅。說文廣雅諸書。撰呂忱字林攷逸八卷。又刻釋經九經三傳沿革例諸書。同時有沈君振基亦通六書。官宗人府主事。不攜妻孥寄居僧寺。版車一輻。儼以入署。歸則杜門謝客。忍飢誦經。清苦之況。人所不堪。時論高之。與予交善。因無詩可錄。附見於此。

惟泰元

羲我壽宮。聿祀太元。神光下流。紫烟氤氳。太元胚胎。遑探其垠。軋坤之軸。闢乾之門。二五騰逐。掣於天根。潢漢之委。下交崑崙。岳瀆異脈。乃一其原。天喬鱗羽。肖於不言。炎邱燭龍。南旦北昏。人性習合。如居一垣。杳不可測。其道至尊。爰薦清醑。奠以瓊璠。龍文金景。鼎鬯是敦。冥羊神臬。列陳帝闕。靈來裔裔。龍旌載翻。綏臯景福。網齊四藩。

天門開

天門開。光煜爚。流紫壇。輝日壑。仰帝闕。橫斗杓。珠熒黃。相瑾錯。皇駟騫騰。格澤回薄。歷次十二。畢會其絡。拂鈞陳。九旂翻。游極下。闕端門。圓靈躍乎金穴。羲曜起於天根。火齊爲堦。玉砌垣。中有銀潢。貫其藩。垂雲輶。駕鸞輓。裔裔詆詆。往若疑。神光滂蔚。臚所知。如歷中垣。卽靈威。金薄華蟲。擢鈴綏。丹書綠字。天語奇。用褒姬德。錫乾儀。聿撫九有。萬億期。

赤蛟

赤蛟綏。青芝蓋。夜未央。炳蕭艾。神欲來。零露沛。風爲軒。雲爲旆。萬祇位。肅瑤堂。雲母屏。明月璫。錯珠網。爛生光。列干羽。夾絲簧。麟以脂。龍以膾。席火齊。管文具。鬱金合。氣氤氳。精奕奕。來無門。九蘊燎。金支翻。祝致詞。神惠之。

朱鷺

朱鷺矯以翼。來翔廟廷。赤星斑斑。角彩騰精。延頸而起。思太清。不思都宮闕。室洞洞冥冥。犧象雲雷羅縷。宣幽靈登歌。兩兩各抗纛與旌。紫綃霞駁。金支參橫。七音粥粥。經緯生。不依軒墀。遑遐征。朱鷺矯以翼。將游倉浪之天。摩華星。潢漢十二樓。但見鈞陳熠燿。爲落屏。殺翻下墜。引足上騰。欲薄中黃。決眚一鳴。天門呀然。翩何不來下。天子聖哲。靡不率庭。靈雀之集。難強名。羌何炳炳。揚朱明。雲罕以罹。繼以縈。獻闔闔。炳赤瓊。億萬世。歌由庚。

烟雨樓

漾舟及平湖。竹樹引佳興。渚近棹漸遲。沙平纜初定。拂衣緣木杪。躡屐臨丹磴。疎雨寺門外。春寒在蘿逕。松房僧語稀。餘情入清磬。移時促歸帆。雲水易成暝。近郭煙穗斜。殺殺寒鴉應。

徐秋涓邀留王雨亭先生松下清齋話別卽景贈懷一首

躡屐渡溪橋。引柁及村渚。墟中寒色來。窅然入幽戶。君指平流踪。小閣促延佇。上堂款主人。云客曲江浦。款我具羹糜。君意何縷縷。話別難爲情。不願竟其緒。下階散清襟。風泉乍迴互。柏竹色無多。厥性此中取。燭剪夜窗明。妙契一相語。

至了義寺

過塢指疎林。到寺停雙楫。風吹烟穗斜。入戶氣蕭屑。境僻罕來蹤。日落見殘雪。隔竹聞歸僧。相遇無言說。
發秣陵

餘事畢羈沈。早行猶及餐。放船歸思減。久客別人難。去雁宜平水。微霜生薄寒。不知昏靄裏。已過幾峯巒。
延陵道中

又乘白舫向天涯。路入延陵極望賒。盡日吟情連鴈鶩。一秋風色在蒹葭。閑梳短髮清霜見。忽脫征帆落日斜。尚有鄉園數弓地。種麻殊羨野人家。

舟次吳閶懷薛香聞

闔閭城近蓼花疎。幾曲橋通水竹居。作客每隨歸雁後。停橈正及晚餐餘。人行紅樹村中雨。潮落青山郭外魚。咫尺尙緘天末怨。秋船漂泊一裁書。

宿瓜洲

小歇扁舟柳外罾。松谿渺渺出疎燈。三更月落瓜洲渡。行盡青山見秣陵。

陳朗

字黍暉。平湖人。乾隆三十四年進士。官至撫州知府。有青柯館詩集。

蒲褐山房詩話。黍暉以乾隆己卯浙江鄉試領解。癸未會試。卷在予房。四書文典雅肅括。薦時總裁。皆謂可元。而秦文恭公以論有小誤。擯之。既揭曉。始知其名。悔已無及矣。蓋己卯浙江主試。即公子。

秦鈞編修也。後以己丑成進士。改刑曹。兼長案牘。劉文正公筦部。深相倚重。而君性沉默。且嗜酒。不善于同事。至上官相待亦疎。久之循例出爲太守。非其志也。年近五十而卒。嘗有句云。塵緣良已了。幻相此何論。又云。養生託莊老。齊物任彭殤。則其於去來間。故已視如露電。

石帆山用謝康樂遊赤石進帆海韻

到海地形盡。山勢殊未歇。突兀見石帆。遠與波出沒。孤頂凌四垠。遠島渺一髮。轟轟肯濤翻。蠺蠺颶風發。陰火燃秋霖。陽冰結炎月。時見樵牧人。挂席來百越。嵌空絕壁下。想像白龍闕。盤渦激雲根。落日意超忽。回首長墻山。丁丁樵斧伐。

題蘭泉先生三泖漁莊圖四首

聞道漁莊好。高居三泖間。門前滬瀆水。屋角細林山。塔影中流直。鷗思別浦閒。京華清夢遠。畫裏認柴關。雲水連天闊。烟蘿隔岸遙。夜潮移滬葉。晴日養魚苗。草偃鷓鴣舍。花藏略約橋。此中多樂事。可以酌霜鉤。處處山臨水。家家耕復漁。人披青襪。船掛綠牒。疎返照宜修網。澄潭好射魚。春申浦畔路。絕勝五湖居。三江古澤國。風物最宜人。名貴朱衣鮒。松江有朱衣鮒。見陸魯望詩註。葵傳紫線純。鄉園饒野思。毫素見清真。欲挂帆竿去。相隨理釣綸。

楚江返棹

雨止月未上。蕭蕭楓葉丹。柁聲放溜急。帆影入雲寒。村酒難成醉。旅愁耐可寬。扣舷何處客。漁火在前灘。

春繡詞

紅襟新燕已誦誦。陌上天桃開兩三。買得越溪絲半幅。唾絨寫出小江南。

伊朝棟

字□□。號雲林。寧化人。乾隆三十四年進士。官至光祿寺卿。有武彝山人詩集。

讀史

走利世如鶩。君子貴潔已。結駟雖英賢。桑樞亦志士。歲時缺伏臘。醴金謝閭里。貧士加孤雲。無依亦自喜。何勞太史公。而今爲慚恥。

秦令紛牛毛。無救嬴氏亡。漢網漏吞舟。約法止三章。文景持寬大。本好老與黃。清淨民寧一。曠蕩仁風翔。建元元朔來。酷吏嚴風霜。騶虞已失職。蒼鷹斯擅長。法律持事君。豈能致虞唐。首鼠與轅駒。結舌氣不揚。卓哉汲長孺。伉厲排張湯。

西京兩太傅。千春令人傷。賈生天下才。絳灌指爲狂。雖蒙宣室召。再黜乃進梁。董公經術醇。漢儒誰頡頏。一出傅江都。終老事驕王。英俊沈外僚。轆軻淚霑裳。顧彼寒泉井。心惻徒徬徨。志士苦獨清。貧夫苦多欲。鄭相戒焚身。宋卿善辭玉。下田分寢邱。孫叔願已足。鮒也誠何心。帶輒徵穆叔。谿壑豈易滿。其亡如轉燭。渴不飲盜泉。熱不息惡木。玉壺貯片心。濁泥詎能辱。

秋日登永定縣北樓三首

信美非吾土。登樓感易生。寒烟通遠渚。落葉滿孤城。凄緊潘生興。遲迴庾信情。羈人元有淚。不爲聽猿聲。
 何限依人意。登臨一惘然。偶尋黃葉寺。已近白榆天。屐齒浮雲上。鄉心夕照前。楓林霜滿眼。坐想寄吳綿。
 已負黃花約。西風觸忤深。猶違元亮井。祇攪仲宣襟。鼓角寒城壯。川原暮景沈。欲回仍小立。蒼茫去獨長吟。

潘奕雋

字守愬。號榕泉。吳縣人。乾隆三十四年進士。官戶部主事。有三松堂集。

蒲褐山房詩話。榕泉家門。鼎經科第。聯綿通籍。後卽膺館職。兼奉皇華。而遽辭簪黻。歸臥山林。鄉閭重以黑頭士。類藉其青眼。琴樽霜履。望影趨風。僉以爲社之耆英。玉山之佳會也。年甫六十。卜勝地于綠嶺山。林泉窈窕。生爨附之。其標格尤不減司空表聖矣。詩溫厚和平。而清遠閒放。之致自在。餘句五言。如青帘烟外舫。紅樹畫中山。風將殘磬遠。鳥與暮雲歸。澗聲疑過雨。嵐影欲沈烟。涼波沈鳥影。高樹落暉聲。花影移吟几。湖光上客衣。七言如移來密竹篩蟾影。種得甘蕉送雨聲。舊遊殘夢尋無緒。同輩晨星看漸稀。秋風情宜對菊老。牛世味賸銜杯。新園屏幃得甘蕉。送雨聲。舊遊殘夢。香浮古鼎開臨帖。花倚晴窗伴校書。過雨紅蓮纔破萼。衝烟白鷺自分行。古寺烟消梅放萼。小橋水暖柳抽芽。簾前鬱翠疑排闥。檻外湖光欲上樓。皆令人攬擷無盡。

壬戌二月廿八日同曹恂愚李補樵遊寧邦陽酌鳴珠泉逾中茅峯憩茅篷遂遊拈花寺上竹竿

嶺南宿上真觀

遊山獲同志。飯罷攜枯籐。仄徑尋舊題。捫蘿憶吾曾。
庚戌秋日同芝巖月渚題名石壁
 祇林面修竹。院靜疑無僧。溯昔遺

榮人於此避弋矰。隨行老兵去。逸事今誰徵。相傳宋韓蘄王隱此山山腰探泉脈。峭壁青峻嶒。鳴珠手可掬。石磴三人憑。一酌百慮釋。再酌塵心激。

寧邦茅峯左。茅篷茅峯右。峯隴開寺門。諸峯獻羣秀。我來當仲春。晴翠落襟袖。寺僧八十餘。以靜獲老壽。飢掘山筍燒。渴汲山泉漱。爲言靜中味。可會不可授。嗟哉塵世客。自愛實自寇。吾亦未離塵。將衰悟計謬。鍾吾本僧廬。今爲羽士宅。拈花占山麓。依然古香積。門前澗水清。門內峯巒碧。庭陰喬柯列。下有舊行蹟。僧雖供伊蒲。一餉聊岸幘。齒增雪盈顛。歲逝駒過隙。回思十二年。汨汨竟何獲。默愧耽幽人。長年憩泉石。余不到山十二年矣。

斜陽忽西下。林外嵐光沈。拄策尋歸途。竹竿路嶽崮。徑轉睇雲間。遙傳笙聲音。層波太湖白。重岫靈巖陰。意適興有餘。茲游愜素心。道契性不隔。味澹情彌深。蕭蕭松風中。孤燈照幽襟。題詩待補圖。並以諧玉琴。補樵善畫。其侶能琴。故云。

立崖司馬於戊戌歲假歸吳門。寫行看子題曰天遠歸雲繼之任楚中旋有輪臺之行逮丁未歲歸里而是圖已失令弟賓岫購之市中立崖重裝屬題

蔣侯持圖索我題。滃滃白雲起尺幅。云是良工爲寫真。驚心光景奔輪速。憶昔人歸畫錦堂。扶簷碧樹新於沐。逸興蕭疎寄暇晨。英姿颯爽流遐矚。溪藤散彩頰添毫。棐几湘簾幽賞足。紅塵滾滾歲堂堂。過眼雲

烟寧省錄。飄零流轉幾經春。收皮何人祕深櫝。阿連購贈意良厚。紙色淨如手未觸。當時寫圖亦偶耳。誰料先幾若預卜。天遠曾穿塞北烟。雲歸仍戀吳山麓。敕勒川邊秋草黃。晴川閣下江波綠。船唇馬脊夢模。餽蒼狗白衣紛滿目。人生行止或使尼。得喪悲愉互倚伏。君今七十正康強。白日看雲臥繡谷。晴窗故物重摩挲。何異楚月與鄭鹿。題詩作記憶前塵。失馬寒翁真是福。因君我亦念行藏。輪蹄半世空馳逐。老矣身同退院僧。童焉心似新生犢。開雲一片許相依。二老風流庶可續。試問爲霖天畔飛。何如含雨巖前宿。

洽園石筍歌爲范芝巖作

洽園佳日吾頻過。高下犖确窮烟蘿。園中奇石森成列。形其堂密岡。阿今來方亭復小憩。亭北忽轟雙髻螺。離根新筍初解籜。訝此甲坼青嵯峨。主人爲言此石古。人世閱劫如觀河。宮詹勿齋雅尙愛林壑。太守雲泉投老遺簪緇。當時名園寄清暇。先後石畔坐婆娑。風前坐品幾嘆賞。月下醉倚頻摩挲。百年人事轉頭換。兩番興廢真剝那。奇章不作米顛老。委此異質僵烟莎。園丁竈養豈知惜。荒榛枯蔓紛成窠。昨朝移致爲拂拭。故知有美難埋磨。剝沙剔蘚位置妥。瘦骨漱水寒生波。含風清韻鏗可扣。溜雨翠色圓成渦。高齋新霽卷簾坐。紀事灑墨揮長歌。惟君好異天所與。用助歡宴供吟哦。菱溪傑作憶六一。雪浪遺事追東坡。不須對石更增慨。觴客且倒金叵羅。

兗旣歸趙歌爲常熟趙者

庭明府作

素衣角帶陳嘉猷。相公未肯歸荊州。懦夫屏息舌入喉。剛腸詎以腹劍柔。墮肉如掌氣益遒。直爲一代綱常憂。當時同袍祖道周。共飲止許吳編修。文羊一角黜而鯨。忠臣口澤垂千秋。凶終世或文穆尤。亡親今爲江陵羞。一觥流轉珍天球。汶陽卓行胥中牟。慨念杯棬涕泗流。不憚辛苦問關求。精誠所格夙願酬。顏藏翁介良有由。是曰天相寧人謀。草溪樂府可以謳。衡齋高義古罕儔。用告家廟揚前休。子孫永保世澤留。足以激厲末俗偷。可憐相公相業優。不少圭瓚拒鬯卣。貢媚況復羅琳瑯。是觥區區何足侔。一朝勢盡舉室幽。殷家大珠誰復收。

消暑八咏和袁簡齋錄四

辭客

閒門無剝啄。息影謝塵緣。梧院暑方午。竹窻涼自眠。屏看山過雨。琴聽石流泉。此味何人領。難邀世外仙。

補竹

疎影覆方池。移來竹數枝。清風環枕簟。綠意上鬚眉。鳥語客初去。日斜人未知。碧鮮良可賦。吟嘯坐忘疲。

曝書

三伏乘朝爽。閒庭散舊編。如遊千載上。與結半生緣。讀喜年非耄。題驚歲又遷。呼兒勤檢點。冢世只青氈。

滌硯

拂拭晨窗硯。提攜更濯波。誰能如汝壽。未免受人磨。舊冢堆十管。新泉試一螺。書成聊自賞。不擬換羣鷺。

桃花鵑唐六如先生祠墓歲久頽廢陶山明府重爲修葺賦詩四章余未和也辛酉八月上泮二日偶然獨遊小憩桃花仙館得詩如數卽次原韻

綈袍瓦罐話前塵。交遊零落綈袍冷風雪欺凌老星荒阡喜就新。一事廢興真有數。此生行止豈由人。壺觴不散幽憂疾。花月能娛放浪身。試向東風酌杯酒。天桃何似昔時春。

折除官祿是才名。咫尺滄浪帶水清。兩地風流同不朽。百年恩怨最難平。人間何物都元敬。海內知音祝允明。濁酒滿瓶花滿眼。未妨絃索送浮生。

地下何須歎數奇。憐才曠世有心知。放懷早悟如如旨。感遇曾虞悵悵詞。余昔年有甲先生墓用先生悵悵詞韻詩一首聽說深亭營廢冢。欣看彩筆賁新祠。他時盛事傳吳會。燕寢清香憶左司。

仙館依然傍佛燈。閒將往事問殘僧。三生幸接枌榆社。半偈來參大小乘。茗啜晴窗傾法乳。碑珍遺墨拓溪藤。祠屋桃花菴歌先生自書古宕秀逸非近人所可幾及從搗碑者購一本歸何當十笏分餘地。長此齋居養絳陵。

題管韞山詩後

夜永燈寒一卷陳。唾壺敲缺氣嶙峋。客言是集能千古。我爲同袍惜此人。論事獨敦風義古。詠懷兼愛性情真。觀臺絕筆餘忠悃。太息陽城志未申。

壽述菴前輩八十

杖朝恩許主鷗盟。洛社優悠詠太平。三殿履聲諸老憶。五湖帆影一身輕。松高滄露枝添翠。鶴老橫烟韻

轉清。莫道漁莊穩臥久。東山念纒繫蒼生。公居御湖之傍。嘗寫三柳漁莊圖以見志。

潞水蘭橈放早春。緩程猶記荷溫綸。收將捧日擎天手。來作眠雲跂石人。蒲褐公山房名拈毫餘結習。聞思公

精舍。屬余題額。宴坐悟前因。連篇近誦山塘詠。老筆摩空覺有神。今年四月公遊山塘。作虎邱卽事詩廿六首。

回首觚稜歲月深。銅墀清切漏聲沈。建牙四表壺水朗。籌筆中年鬢雪侵。人信匡時須實學。公言執法但

虛心。堂開佚老身還健。投絃能忘報國忱。

出處依稀似樂天。人間今見地行仙。詩吟海燕原無競。用張曲江詩事。夢哂黃梁亦可憐。謂己未正月初旬事。未許官階

妨著述。最難鐘鼎又林泉。諸生誰奏南飛曲。待譜新詞付管絃。公少工樂府。近又有續詞綜之選。門下士得指授者。皆有玉田白石遺韻。故云。

吳壽昌

字泰交。山陰人。乾隆三十四年進士。官至左中允。

蒲褐山房詩話中允蕭閑真澹。早遂初衣。而學有本源。工於佐證。爲貴州學政。作時藝以繩多士。穿經貫史。一時拈出。衆以爲得未曾有也。詩自虛白齋館課存稿外。見者蓋寥寥。

題墨錄

吾友古聞人。好古富詞翰。長安復儼居。城東張高館。訪之榻無塵。圖史堆几案。須叟陳錦匣。未啟手先盥。

中藏舊險塵。歷歷不可亂。形模仿圭璧。款識雜銘讚。幽香與古光。拂拭難爲判。旣觀復用嘲。君癖劇好鍛。胡不圖博古。鼎彝森愛玩。不則譜書畫。宣和蹟重按。抑或錄金石。庶用資購貫。正史訂旣訛。舊文續未散。寶此膠烟姿。感久易漫漶。廷珪永已矣。此物無長算。邵羅迄方程。孰稱諸家冠。著錄若流播。質亡名誰惋。矧迺置不用。什襲加防扞。不如之五都。一丸買新爨。持以狎丹鉛。塗改復點竄。有用貴珠璣。無用賤薪炭。君笑繼擲揄。謂余徒相難。同一嗜古癖。奚爲分畔岸。寓意不留意。昔賢有明斷。所聚雖我好。不假千金換。栝以百十二。持贈居大半。以彼膠漆交。獲茲雲煙看。居遊聊與偕。摩挲出璀璨。卽墨侯毋封。子墨客多慢。行將吾齋坐。心清參鼻觀。豈學米家船。揭牌忘汁漫。咸君懷曠達。愧余言河漢。五陵事裘馬。孤賞冀誰贊。幸無豪奪人。完歸復何憚。

龔敬身

字屺懷。號匏伯。仁和人。乾隆三十四年進士。官至楚雄知府。

三間房道上書所見

木殘柳色尙依依。中有人家住翠微。一架匏瓜寒未摘。兒童對客掩柴扉。

程沅

字芷南。丹徒人。乾隆三十四年進士。官汾州府同知。有春颿近體詩鈔。

曉發瓜步

明發瓜洲渡。蒼茫曙景分。沙痕收楚雨。樹色寫吳雲。魚翠當窗拂。龍腥逆浪聞。中冷如可汲。趁欲解微醺。

杪秋江隄晚步

荻浦花如雪。楓根紫釣船。涼生漁侶夢。秋占水鄉天。遠岫月初上。近村人未眠。沙頭重留戀。鷗鳥若爲緣。

秣陵返棹

商飈迴楚岸。曙色冷吳天。落葉無邊樹。歸帆何處船。離亭秋望斷。孤驛暮愁連。極目疎林外。風鴉破暝烟。

王 瓚

字崑霞。鎮洋人。乾隆三十四年進士。官吏部郎中。有晚香書屋詩稿。

蒲褐山房詩話。崑霞爲烟客曾孫。敏服雅素。紫羅囊。玉壓尾。不媿烏衣之目。兼承家法。工於畫理。所作詩雖未深造。亦復澄澹可觀。

饑民謠

大淫雨。百草肥。五穀死。饑民悲。形容枯槁而目驚。不如富家狗與雞。凶年猶得食糠粃。枵腹仰天天不知。父不顧子。夫不顧妻。我欲捋取羊鬚萬斛珠。歸來療我饑民饑。

綺中兒

趙孤兒。袴中置兒不啼。兒亦異。夫人抱兒徒下淚。以是藐諸孤。誰能出死地。公孫杵臼與程嬰。宛轉迺能

全大義平生不忘趙先君子爲其難我爲易一時幻出兩孤兒杵臼取兒走先避程嬰謬告諸將軍諸將橫奪孤兒驚杵臼既見殺孤兒亦遭屯國人聞之皆哭杵臼嘗程嬰孤兒死將喜千金賞程嬰恥真孤兒反在矣孤後成人嬰亦死始信立孤爲難耳匿孤教孤終立孤如此兩人世上無諸將盡是懦丈夫醫桑餓人安在乎君不見宣孟忠貞位正卿桃園之難愧稷卨

破山寺

幽棲心轉曠策杖啟禪扃飛瀑添龍澗流雲悟雀瓶竹穿蠟屐冷山見酒人青天許分僧樂層軒幾日停

秋杪過南園呈竹娛族祖

楓徑霜初落松關日乍曛伊人在秋水詩思渺江雲高閣鳥聲集寒潭樹影分臨軒思繡雪清磬隔林聞

戚蓼生

字念切德清人乾隆三十四年進士官至福建按察使有竺湖春墅詩鈔

馬底驛

淒絕黔安地經行得未聞語音三戶別晴雨一山分陡壁騰樵婦荒罏坐戍軍還看溪澗畔虎迹映斜曛

于鰲圖

字伯鱗號滄來漢軍鑲紅旂人乾隆三十五年舉人今官蘇州府知府有南來集

秋夜高郵舟行

千里暗如墨。檝催趁夜行。燈隨星共遠。風與水爭聲。舵轉坐常側。帆懸魂屢驚。秋深憐病骨。豈敢惜浮生。

斗山口望徐州

蕭騷風拂鬢。指顧見徐州。劉項無餘土。張蘇是故侯。悲生雲外雁。寒起水中秋。烟霧迷城市。疑看蜃吐樓。

瓦房工次早行

旅次眠難穩。晨雞催客行。森森綠岸樹。落落遠村更。淡月全無影。寒流自有聲。征車衝曉霧。野浦亂鴉鳴。

印照

字匯淙。嘉定人。乾隆三十五年舉人。有菽園詩稿。

夜坐懷朱東發

夜涼不成寐。延佇倚岩戶。忽聞遠寺鐘。已歇西堂雨。幽幌暖餘香。疎星耿涼宇。美人遊不還。簷鈴空自語。

南宋宮詞

內人奏鼓合涼州。綵練拋來七寶毬。殿下諸王呼萬歲。至尊盤馬過龍樓。芳池九曲水瀼洄。日午龍舟打槳來。報道芙蓉須臥看。銷金羅幕一時開。高髻團衫別樣妍。謝恩總立開門前。紅羅帕子新承賜。小印金龍押四邊。

東風桃李競春暉。女伴彈棋捲繡幃。忽聽金鈴簷外響。飛奴遙帶夕陽歸。

嚴翼

字懋棠。嘉定人。乾隆三十五年舉人。有鴻音集。

灘江

山勢從黔落。江流入楚分。摩天開一綫。繞壁走千軍。白晝渾疑雨。青巖不斷雲。依稀三峽裏。處處嘯猿聞。極天同鳥道。此路卽羊腸。戰壘餘金索。武侯南征。從石壁上有老屋數椽。懸崖綴木房。寒烟晨尙煒。老樹臘初霜。風景蠻方異。勞勞歎阻長。

安南道中

一鞭隨早爽。秋意滿空山。雨歇蟲聲裏。雲生馬足間。稻涼花盡白。柏老葉初斑。蕭瑟蠻方景。勞勞客未還。

送燕

海北天南消息稀。秋來別我尙依依。漫尋昔日花前路。須記明年竹裏扉。此地幾人開白社。舊家何處覓烏衣。懸知不負華胥約。好趁西風緩緩歸。

水西途次

秋淨蠻天萬髻羅。一鞭趁曉走嵯峨。雲連蜀道羊腸迴。木落黔山虎跡多。帶露雜花涼自放。下溪活水淺

無波時豐使覺登場早處處磨鎌待割禾

湖海詩傳卷三十一

程晉芳

初名廷鑽。字魚門。號菽園。歙縣人。乾隆二十七年召試。賜內閣中書。三十六年成進士。官吏部主事。以校勘四庫全書。改編修有菽園全集。

蒲渴山房詩話。魚門業傳。闕家本素封。而覃研典籍。虛懷求益。少間經義。於從叔廷祚。學古文於劉海峯大魁。又與商寶意。袁子才。唱和。故博聞宏覽。而才情豐蔚。詩文並擅其勝。然游宦三十餘年。家益落。無以自給。爲乞米計。至關中。病暑而歿。喪歸。秋帆撫軍留其著作。存於終南仙館。凡十餘年。而畢氏籍沒。其書遂不可考。惟聞春秋經義。尙存於門人謝編修。振定所。然亦未付雕鐫。

夜夢袁簡齋是日簡齋書至因作詩寄之

昨夜夢尋君。迢迢渡江水。官舍月微明。握手花陰裏。各言長相思。餘論及文體。覺來雞未鳴。殘燈弄餘蕊。是日君使來。果得書一紙。乃知精神合。魂魄已潛擬。之子抱天懷。咳唾落珠琲。作吏非所難。苦滯百寮底。况是絳霄人。何堪久塵滓。讀書結初願。有田誓歸矣。而我子然身。百憂浩所委。惟君憐我深。義與殷顏比。別易見而稀。得書時復喜。大江多風濤。舟楫慎所使。嘲啾百鳥羣。乘春競人耳。孤禽獨不鳴。高樹永棲止。感物思遠人。觀時悟生理。庶幾各自愛。黽勉固終始。

山行

秋山多白雲。峰勢與雲變。巖岫淡冥濛。礪壑互隱現。有如皴染家。濃淡着素絹。俄驚山無根。雲氣平抹斷。縈紆雲作態。峰路逐雲轉。須臾長風來。雲淨山悉見。偉哉造化功。頃刻千狀換。慰此行旅艱。極目信忘倦。

愛貓詩爲王梅泚作

烏圓雖柔馴。所志惟搏擊。區區常畜耳。何用重憐惜。吾友梅泚翁。好之遂成癖。種勿辨珍奇。毛勿取錦織。裹鹽向僧換。貫索從市得。豈惟資魚乙。亦且分肉食。桃笙聽晏眠。花影撲狼籍。懷袖一撫摩。俯首笑啞啞。我前爲致詞。子亦太癡劇。右軍愛籠鷲。神契在筆畫。支公賞神駿。所嗜乃逸格。彼皆有寓意。而豈盡沉溺。今子胡好爲。玩物作無益。寧伸唐宮窵。恐附義府魄。朝聞瓦盆翻。夕訝鄰雞磔。護短而憑愚。奚不速自克。支頤初不答。徐徐乃爲釋。人生各有好。彼此勿互易。禮經載八蜡。農事渠有力。珠光一圓轉。線以子午測。紗帷傍張搏。穿柳聘魯直。稱曰玉狻猊。被以金鎖勒。誰張雪姑榜。孰向臨安索。筵金七十事。事事典以則。昌黎美相乳。用以表仁澤。吾生本貧賤。萬里一書策。破帽不改新。破衣不加飾。夫豈盡攫鼠。而有護防責。吾但取其名。徐乃課功績。飢惟盡一簞。功足蕩四壁。時時看洗面。淪茗待佳客。亦復錫嘉名。應聲如僕役。錦堂羅瑜春。我但敗羶席。雲圖抵數金。我以百錢覓。余方媿負若。何乃動譏斥。况余久羈滯。寒坐冰雪宅。獨酌一壺春。左右伴岑寂。宵分共臥起。氣暖若裘褐。旣非衛侯鶴。乘軒喪厥國。又異葉公龍。瞥見心膽惕。黃耳鬱高墳。事不厭奇特。子方噴子迂。慎勿誚我惑。我聞輒拊掌。所論良亦得。豈惟謝子過。且使余悅懌。

客游多歲月。此輩宜物色。贈子毛穎雙。異我銜蟬隻。

讀商司馬寶意詩題後

潞河南下流波澹。水驛山村倦臨覽。閑把君詩枕上看。冷吟驚破魚龍膽。霏烟拂霧紛變態。陶汰工夫出夷憺。冷洽清響脉通池。往往初甘味回攪。珍廚鹽豉豈異味。要在饗人善和糝。就中妙境難學似。醃鴛微香發新菌。堂堂旗鼓列雄師。韓魏依然自視欲。憶從南園握君手。若樹亭亭鋪碧毯。揮毫落紙君自擅。分騎揚鑣吾豈敢。金臺夕寺共追尋。九陌新秋轡同攪。歸驂淮水葉蕭騷。去棹巴江雲黯黯。竹王山鬼互將迎。棘鳥蠻花增怨惜。大江春早重登艫。澎湃奔濤驚習坎。集中有驚濤四律匆匆燕市一相逢。草草杯盤論坎顛。卅年銅綬滯青衫。如此儒冠困丹槩。即看車馬尙雞棲。那得功名追燕頤。徒勞琢句腎肝瘦。或恐搜奇天地慘。江鄉隨處有葦鱸。箬笠差宜傲玳瑁。秫田二頃待同耕。願與先生披錦贖。懷人掩卷暮愁生。浙浙涼風吹薺莢。

日月合璧硯歌

端溪下富久著名。就中最美稱水坑。良工琢石如琢玉。沐日浴月揚其英。太空無雲薄晴旭。下有海水涵金精。兩儀合度儼合璧。五緯列宿輶輶光。品邊髯錦囊貯此硯。吳頤楚尾都隨行。多年珍好落吾手。信有天意非人爭。蒼蒼者烏跋者兔。轉丸歲月無停征。磨人墨汁磨墨硯。使我終老勤耘耕。斧形風字載常譜。此

硯一出逾瑤瑛。質溫密栗縵紋理。表靈發異矜廉清。曾聞龍鱗賜天府。明良作輔承嘉榮。放翁軍帳坐草檄。撫時泐硯心太平。今我清時一葦布。寶此異物將安營。刻鏤風露笑通悅。攜持場屋羞僮儻。逝將移贈天祿史。表忠燭佞司權衡。卽今隨身徧南北。山經地志閒商評。眼中何從起翳障。胸次願得長光明。詩成開筆一笑粲。夕陽纔下金波橫。

侯夷門題畫詩十二首。余於李芋圃太史齋壁見之。嘆諷良久。瀕行芋圃以侯詩書扇見遺。作詩志之。

侯生使筆如奔驥。掣電崩雲千里逝。錦韁繡鞅不勞施。峻阪層崖豈防墜。發狂使氣氣益雄。埋頭渴飲千觥空。自矜奇節類遠祖。抱關擊柝將無同。昔年共我游春墅。名士座中多楚楚。放紙寧嫌十丈長。搖筆如風目如炬。就中金玉兼泥沙。旁觀竊笑爭譏諱。要其才氣萬人敵。畢生不遇堪咨嗟。殘秋獨上南朝塔。大風搖山黑雲匝。忽然狂笑忽號咷。滾滾江流響相雜。重來淮水颺輕舟。五月尙着青羊裘。題詩哭奠水南老。鬼語荒忽悲呼嘍。江干作尉怪疾起。一夕酖醢廁中死。清流若輩濁流投。造物憐才竟如此。壁間題畫十二詩。我來京邸偶見之。文從字順尙難解。要當配食樊宗師。翰林李君書法好。每道匆匆不暇草。仰家扇子寫侯詩。送我遠返江南道。斜行密構皆通神。羲耶獻耶恐亂真。豈惟鄭重別余意。君與侯生亦故人。涼風十月迎馬首。把玩循環不離手。流傳他日到何人。名墨遺詩俱不朽。

和洪江伯父彈指開老樹爲風雨所拔用少陵柟樹韻

婆娑老樹佛開前。疎枝蠹葉不計年。曉映明河挂珠斗。夜承墜露棲幽蟬。涼秋七月風雨至。大塊吹噓紛怒氣。拔地還疑鬼神力。掃空已斷雲烟意。憶昔游人爭賞愛。青青密蔭圓如蓋。空餘古砌淨流塵。無復清飈送高籟。老僧禪懷少荆棘。小劫無爲感中臆。欲識根株生滅緣。舉頭華月澄秋色。

韓幹神駿圖

兀如山立如風旋。力躡電影馳其前。高巔雙壁夾兩觀。長鳴思騁仰視天。非花非駁非連錢。沃雪遍體銀絲纏。奚官脫帽衣袒偏。志不在馬耽清泉。怒塵一洗毛鬣鮮。耀日不復煩鞍韉。涉水水底蒸雲烟。蹄間錯落流珠濺。道人注目意靜使。相賞逸格通高禪。奚官鞞鷹捉老拳。攫身擇肉思秋田。矯矯元度跛脚眠。桐花下墜清露妍。奇姿絕態咫尺傳。筆無瑕痕墨彩圓。日以韓幹然不然。先生曹霸差齊肩。肉不露骨骨益堅。一藝所到參幽元。殘縑寸斷神則全。混注精氣連星躔。支公不作誰爲憐。駕轅服阜紛闐闐。千金市此勿舍旃。丹青未必留空筌。

仇實父漢宮春曉圖

澄霞舒卷天半紅。流鶯細囀晴煙中。韶春先到樂游苑。金鋪玉砌光融融。翠微五柞連馭娑。千門盡啟葳蕤鎖。寶鏡當樓理曉雲。玉鈿鬪髻簪嬌朶。掃花宮婢雲垂衣。驚起蛺蝶成團飛。柳絲低躡不能舞。九華殿

裏東風微。惟有昭陽春最艷。珠壁金釭燈灑灑。紫燕休尋別殿巢。文鴛競向迴塘占。何處離宮抱怨深。夢迴隱隱聽車音。青陽不道凌朝轉。皓月還看到曉沉。十洲作畫工雕繪。此卷傳神信爲最。似經新露長芳苔。如有柔風動羅帶。君不見露寢離宮歲歲新。承恩並釐古無倫。一朝帳殿生秋草。三十六宮誰是春。行人曾過驪山下。野土青紅沒鴛瓦。蕭森古木嘯愁鷗。落日寒聲起平野。繁華如此空摧殘。不如長向圖中看。

父庚觚

虜收積氣凝堅剛。銅英布護草木黃。何年採鍊鑄法物。破觚爲圓稱有商。商人敬鬼惡不祥。制器立象殊精良。雷紋震疊百物懼。饗饗森列羣邪藏。尊彝甗罍爵觶。因時備用各有常。觚戒德孤寓深意。如置監史立兩旁。數千百載韜古光。何人掘取歸縑囊。想當埋瘞向深土。重苔野火增青蒼。輕雲油油覆煌煌。相對肅穆威冠裳。父庚之銘義何取。篆法直逼誦與蒼。十干作名厥旨彰。亦如祖丙父乙難追詳。或云字跡肖垂穎。無乃祈穀供蒸嘗。勾吳於越米價昂。斗錢四百嗟奇荒。上天殷念恤黔赤。五風十雨肥秋秧。禾頭斑斑麥吐芒。庚金成實司西方。宜舉此觚蒼天貺。灌實鬱鬯羞馨香。職思其居寶稼穡。毋使沉湎譏太康。

太白罇

紫罇片瓦敵拱璧。何況世遠誇唐磁。榻來傳觀形製古。龍文坡碎銜雙螭。云是太白狂飲之酒器。其說杳

渺難深稽質純。色澤厚當是宋人摹倣之所爲。堂堂謫仙人。矯矯翔鸞姿。紫宮青府不稱意。偶來人世窮兒嬉。長安道上馳八姨。楊花撩亂天迷離。心知禍亂口不語。胸中磊塊澆千卮。金龜賀監解。玉硯妃子持。將軍脫鞵不足顧。彩毫落紙驚淋漓。江南蜀道頻流移。子規叫血猿猿悲。糟邱麴壘氣彌壯。春江吸盡青琉璃。團團牛渚月。淇淇謝公池。手撫力士鎗。笑把桑落枝。飄然騎鯨忽歸去。天風吹髮涼絲絲。金門歲星不可見。但見柳旁三點颺。酒旗殘。杯剩勺。到處有。後人傳寶如瓊琦。此罇遺製特奇古。想見醉倒冠巾欹。嗟我兩長無一得。不能豪飲兼吟詩。銅瓶在手汲新水。插花植卉爲清怡。沉香亭畔牡丹少。一枝隨分新胭脂。

景陽鐘歌

靈谷寺裏有古鐘。赤苔斑駁翠蘚濃。傳是景陽宮中之法物。多年零落塵埃封。其製稍狹高二尺。旋蟲繞獸盤。蛟龍中銜白玉徑寸許。雷紋雨篆紛重重。小鳴大鳴叩輒應。金飈颯颯搖寒松。周官臆氏掌鐘簴。裁度律呂維和籥。兩鑾九乳有定製。懸之明堂列辟靡。元音一振統萬里。左五右五連笙備。偏安江左氣象迫。古樂盡變崇纖穠。了無典則布軌物。但此鄭衛矜昌丰。流音怪底應商律。連祚短促無春容。此鐘遞嬗多年代。旁湍在懸終不壞。五更聲動閭闔開。金珂玉劍來朝會。夜臘方傳虎踞關。曉妝又赴雞鳴埭。蒼蒼城闕起寒煙。一轉繁華歸法界。六時振響蒼流泉。古月婆娑話成敗。君不見潛壤銅鐘似殷雷。鯨魚十二

今何在。

題劉別駕若庵江上觀潮圖

生平竊慕祖士雅。渡江擊楫何瀟灑。英風更羨吳越王。射潮潮避鐵弩強。丈夫壯志苟如此。會須吸盡西江水。卽看江上觀潮圖。蛟螭彈壓膽氣粗。居然萬里匯尺幅。茫茫千頃銀濤鋪。是日鱗雲紛靉靄。驪龍率舞魚作隊。轟掣雷霆戰騎馳。動搖山嶽天光碎。黃牛峽口白馬灘。險處急速成奔湍。逶迤千里乃一放。元氣浩浩驚奇觀。金支翠旗光閃爍。隱隱層波湧樓閣。使君胸次比江寬。壯游宦海無拘縛。笛聲吹裂山根石。兩岸蘆花如雪積。潮平天淨月輪寒。飛起羣鷗破空碧。

苗刀歌次商司馬寶意韻

三苗遺種誇雄豪。花裾赤脰尻有毛。生兒斂鐵爲積屋。十年浴鐵成苗刀。青絲細絡綠皮裹。寒光一髮收銀濤。晶瑩不受土薄蝕。拂拭但用人脂膏。千錢覬覦奮格鬪。剗腸抉面休輕遭。卅年前經大搜勦。委棄兵械深林逃。使君何從得此物。恐防鬼伯中宵號。寒窗把玩出素匣。愁雲感感風騷騷。方今四極盡康阜。媿羌疏勒無兵塵。貝多奇樹釀酒醴。驂駟內廐栽葡萄。獼猴擊鼓日歌舞。忘念不敢萌分毫。羅田小寇實土著。何乃蟻聚忘撫甸。紛紛狐黨盡擒縛。奸酋竄匿同驚獠。願持此刀急逐賊。剗之千段如誅蒿。功成納鞘誓不用。鹵器百勝宜終嵌。長謠怒髮忽倒豎。酒人吾欲從荆高。

題元人所畫雙鷺圖寄商司馬寶意

有苑者蒲折者荷。澄溪澹澹靜不波。翻翻白鳥食茄下。野性那復憂虞羅。一翹隻足仰其頸。一飛向空斜。帶整綠蘋風起似驚秋。紅蓼花深宜照影。由來愛潔毛骨殊。雪絲蓋頂圓沙鋪。誰能貌取最真態。春鋤上下如相呼。畫家恐是錢舜舉。我欲問鷺鷥不語。浪高憶爾破遙天。雨急憐伊避寒溼。有客思歸放白鷗。幾回對畫起愁顏。槎松葉暗霜魚小。爭得江湖趁汝閑。

宋徽宗所畫龍翔池鵝瀾圖

我行骨董肆。瞥見古畫軸。筆姿墨彩愜飛動。搖蕩神魂眩雙目。諦觀乃是鵝瀾圖。宣和小印鈐紅硃。瘦金書體數百字。拂紙巒雲煙鋪。緬昔酣嬉忘國步。江南花石催無數。青陰閣傍碧琅玕。雪浪金隄栽玉樹。龍翔池上風日春。采蘭被禊逢佳辰。瓊林宴上出此作。奎章鳳藻驚羣臣。彩襟錦臆垂霞縷。顧影相矜如刷羽。直從禁地寫江湖。一片橫塘澹煙雨。紆千山雀飛聯翩。如斯絕技天不憐。才藻南唐後主敵。兵戈西晉永嘉年。五國城西沙拂面。帛書空憶南來雁。荒村古驛月痕斜。詞筆蕭疎詠孤燕。故國蒼茫落照殘。春深誰更倚紅欄。無情水鳥爭飛去。風滿清池碧草寒。

遊太學觀石鼓

纖雲淨掃澄高穹。旭日正射東膠東。虎門書庫縱觀眺。蒼碑丹碣何穹窿。兩廡忽訝光熊熊。左五右五蟠

紳虹叩之其響非逢逢。厥形肖鼓名從同。籀法變換刪禽蟲。口不能讀心差通。麀鹿速速秀者弓。鸞車既好矢則彤。左司妙句開鴻濛。文考有作垂艷宮。韓蘇繼起筆力雄。云此質頌中興功。竹書汲冢試折衷。載紀未及奚鑿空。廣川跋語據盲左。岐陽簡狩修師戎。時遙莫辨初與終。考古曷若勤尊崇。三疑妄說真夢夢。先秦宇文紛亂訂。赤烏踐兔猶朦朧。六經聚訟如蟻叢。法物怪底遭羣攻。元人南伐何匆匆。巨石作礮紅衣紅此物。先已來燕中。金鑲玉勒辭疏櫳。草萊拂拭光氣融。壁水半壁環冲澗。滄波匯海嶽有嵩。縮瑟萬象歸牢籠。穆書原鼎同馮隆。誰其述者臬與蒙。煌煌四百六十字。紫鳳威鳳爭飛翀。偏旁漸失數不充。剝蝕豈必關磨礪。孰云汝壽頌且豐。投梭歲月方無窮。南劔木刻珍瑤珥。安得琢石臨摹工。至寶零落吾所恫。念之不覺心忡忡。且求遺拓裝書筒。墨香披拂來松風。

題梅妃吹笛圖

朦朧樹色簾衣揭。一片沉沉宮禁月。誰寫江妃壓笛圖。綴景傳神總清越。嶺南妙選入深宮。玉笛閑吹號最工。檻外春晴方鬪草。筵前舞罷更驚鴻。無端釵合承新約。黃金買賦知難托。眉際潛傷桂葉凋。笛中暗訴梅花落。團扇非秋早棄捐。明珠和淚譜商絃。亞嬋花靜人偷曲。誰把霓裳碎拍傳。芝焚蕙棄無須歎。鼙鼓漁陽起天半。蜀道青驛爲阿誰。此身幸不關危亂。從古君恩易重輕。樓東才豈讓華清。西風妬煞垂楊碧。還向朝元作雨聲。

王莽貨布歌

成都火井黯不然。昭陽禍水方乘權。巨君睚盱目睨鼎。刻意摹古欺愚賢。周公孺子飾假面。金滕洛誥增外篇。六官改竄不足道。貨泉變自居攝年。十品頒行別次第。卯金之號旋舍旃。契刀大布類叢雜。訟簿擾擾愁株連。黃牛白腹理當復。填耳莫禁民謠傳。鰻魚臭尙播千載。漸臺死不直一錢。當時著作悉無取。貝貨所製殊精研。昔聞伏羲搏九棘。燧人農皇相後先。曰刀曰幣別子母。爲輪爲郭分方圓。呂姜佐王管子霸。但取民用流如泉。嗟莽何能識此意。刻舟求劍徒拘牽。要其規矩必古法。小篆如雍如針懸。秦碑漢石有摩泐。銅質堅勁其神全。委宛成文庶堪媿。黍銖定樂彌相宣。豈如鹿皮雜金幣。大異鷲眼浮青漣。食因咽廢古所誠。舊制況復非彼專。鄱陽莽錢入僞品。通山滬海紛糾纏。別書刀布信卓識。雖不適用毋輕捐。夷甫不言信高致。王昕取一奚過愆。宜男可徵勿深考。囊中伴我倉斯箋。

家顓書姪餞席聽祝道士彈水仙操

貝宮無烟濤氣白。老仙長住鮫人宅。天邊攬月置懷中。笑向龍堂輕一擲。冰絲播弄饒水聲。寥寥秋闕夜字清。遺宮剩微到人世。異韻未許參凡情。道人神姿腴不寢。爲我揮弦佐飽飲。存齋太史適共聽。跂脚西窗手交枕。是時綠桂吹古香。高雲飄墮雁起翔。浮音切響振岑寂。指頭湧出波茫茫。阿咸心閑得琴意。解帶松間對月醉。夜闌更請奏歸風。我欲臨江鼓征柁。

送舍弟述先之廣陵

河橋一攜手。碧柳未成絲。春水方生夜。孤帆獨去時。岸荒人語少。雨急雁飛遲。亦識前期近。其如愴別離。

甓社舟中

澤國蒼茫裏。雲帆一葉過。亭荒秋樹少。湖闊夕陽多。漁舫有時集。勞人何處歌。依依淮浦月。相送耿金波。

旅寓遣懷三首

去住渾疑有夙因。重判衣袂浣緇塵。柘枝偶作當場舞。雞骨慵占野廟神。淡淡鶯花憐故國。疎疎風雨度蕭晨。故應難展穿楊手。老作清時擊壤民。

世情鹵莽競錐刀。得失雞蟲祇自豪。殘篋誰憐白團扇。新聲終愛鬱輪袍。波深滄海龍吟細。天抹閑雲雁陳高。積障破除書卷在。一枝籬菊送香醪。

瀟瀟初雨撲雕簾。睡起懽騰興未忺。南國夢餘花信晚。西城居近井泉甜。不慚齒壯名難就。長是愁深病亦兼。何事故鄉消息斷。辭家兩見換新蟾。

將赴京兆試同人相餞晚甘園留別

綠暗郊原草色齊。荒涼曉曲唱黃雞。藏名漫擬隨龍尾。學道何曾悟馬蹄。良友情懷春水闊。旅人襟抱夕陽低。也知骨相無多福。未必鈞天聽易迷。

落花

陌上休譚緩緩歸。風光九十已全非。山鷺過處紅成陣。海燕來時綠作圍。迸蕊尙縈青玉案。餘香還惹碧羅衣。曲屏一夜尋芳夢。猶逐殘英續斷飛。

月露千枝影半簾。幾番風信雨簾纖。不隨暖絮縈珠網。更帶晴絲拂鏡奩。靜墜膽瓶燈地暗。閒飄曲榭水紋添。忘情不信維摩詰。一片孤芳手自拈。

幾回欲折轉生憐。誰料飄零曲檻前。水佩風襟消綺夢。酒旗歌板惜塵緣。愁生水北三更雨。恨滿江南二月天。無限芳華買難住。紫榆空散沈郎錢。

一夜天風掃絳崑。飄零從此限塵凡。點妝冷豔依眉黛。漬粉新春落枕函。廢圃荒煙無蝶採。空宮斜日有鷺銜。關心最是春機女。織取繁紅上碧衫。

阿膠聯句

濟流達阿城。程晉屢起屢迴瀆。高環井布輪。沈初下汲瓶挈竹。清迅登茶經。梁善鍊養稽藥錄。彼哉長耳公。

芳塾之小山。晉籠風聲引蹄躡。初雲氣覆黝黠。鳴應子午交。善色取壬癸獨。陰崖露草咀。芳寒徑雪花蹴。三年置閒散。初一日摧令僕。土人製膠詞驢以北皮存毛不附。善支解尾猶禿。火紅文武添。芳泉綠淺深掬。

重燈耐細煎。初響雨雜微掩。萍融晷刻淹。善紋皺分寸縮。照面漆髮几。芳著手脂炙殼。牽連乃鷓黏。初悅

澤遂膏沐。凝為堅固體。善割類方正肉。厥包附土貢。善其用佐金肅。劑和宜尤荅。初價值過龜鹿。媚寧佩

嫵娥。善濁待止河濱。客來偶停橈。善市聚看列屋。粉書板雙扉。初青曳帘半幅。檢囊罄輕齋。善裹紙聽平

露。瑣碎緇湯頭。善鄭重藏錄目。酒杯化醇醲。初夜睡益甜熟。真偽勿具論。善歸去遺姻族。善

官扇聯句

明上海陸文裕公嘉靖中以祭酒直經筵嘗拜宮扇之賜裔孫錫熊官京師暇日出示其友程

晉芳汪孟錡趙文哲阮葵生董潮吳省欽爰共聯句

秋光敞雕楹。善晨爽拭珍簟。娛賓折簡招。孟述祖在笥檢。扇裁蜀府新。文製陋漢宮儉。勝朝中葉承。其

廟太阿刻。深居厲刑賞。潮旅進雜忠調。一俊占鳳鳴。省九達策鴻漸。南曹巨璫殿。錫劉瑾改為南京刑罰

主事誅復官。東觀羣雅婢。朵殿經樞臆。善條銜御毫點。公南巡日錄御筆親署。侍屬車塵清。孟飲天酒露霽。迎

節蘭辰佳。文倬直松閣罨。賚衣白紵輕。善解糲紅絲糲。是物本貢珍。潮異數非竊忝。函州香案臣。省帕捧

閣門闌。爛然朱霞滃。錫溱若素波閃。花樸蟬翼翻。善海圖龍甲閃。段竹截鶯肪。孟圓釘貼蟹曆。紙劈蟹纜

縱。文銀塗混灑激。佩宜錦囊盛。葵生世廟賜張孚敬等見記。絡藉綵索繪。又五日賜李時夏言等綵索。攜歸

袖辭辭。潮傳示目覩覩。樓添槐雨涼。名欽公邸中有槐。屏引梧廳廳。公有雲錦石。揮疑仙骨珊。錫障少

俗氛玷。三沐兼三薰。善一重或一掩。迴翔瑣闥榮。孟蹉跌延津貶。本傳以講章為閣臣所故。葵大柄久不

持文疎節詎終慊。懷中月團圓。生天上日荏苒。春祠晉嶺花。潮夜艇江湄笑。握隨筇杖倚。欽疊映越羅斂。

本傳自同知擢山西提學副使。文浙江。巢痕玉署空。錫篋淚金蓮染。黃扉誰畫接。芳青詞競宵禱。履絢羽鳧

躑孟冠葉香螺屨。紫禁輿並扶。哲丹壺藥獨夾。捋虎腰領麝。生嚇鴛臬腐嚙。望虛棘與槐。潮興託菱共芡。

抽身等棄捐。欽炙手避威儀。吉金行橐垂。錫廉石歸舟礪。申浦折芰紉。芳袁壘團茆居。願豐課田園。孟公

集有願豐堂後樂窮谿厂。後樂公園名在水申浦東。谷水圖斫鱸。文茸城賦載獫。蔬笱安枯禪。癸杉檜絕驚斲。臨池妙

素縑。潮數典富鈔槩。風流被未沫。欽恩款話斯憐。出入變寒暄。錫卷舒信夷險。貽厥傳魯弓。芳昭茲守周

琰。文孫勤服膺。孟冷客慰飢噉。披襟當北窗。文視景薄西崦。把翫神聘貽。生評泊口喞噉。規隘七寶織。潮

彩奪五明罽。森森鸞尾捎。欽趨趨雀翎翽。便面刊觚圓。錫聚頭學裙掩。什襲閱百年。芳陸離驚一睽。畫零

蜨兩翳。孟墜失魚雙。眨。祇看盛繡韜。文慚拓剪紗揜。祛濁敢拂蠅。癸通靈或駭鱗。展防寒具汚。潮揚奉清

芬奄。家集網叢殘。省國史補遺鈞。恍坐春風春。錫熊。公有羣瞻儼山儼。芳

食蟹聯句

水錯饒羹材。省廚珍試饌法。堆盤解象占。趙文。就坐旅情洽。販集丁沽腥。山陽阮。買問亥市插。飽露

腹中腴。海迎霜骨外砧。跪交銀戟撐。癸螯舉玉鈎夾。凸如背負筐。曹仁。森若智貫鉀。急縛氣尙雄。

陸錫。橫行徑已狹。濡濡沫互噴。芳宛宛目交眨。飼宜土膏肥。文漉用井華潔。族徒葦籃傾。癸命併糠火燴。

泣釜鼎娥憐潮登筵觥使扱省蕙芽小紅攢省橙縷新綠掐仁酸醃一勺對仁苦醞百分呷錫笑爾中腸無錫供

吾左手扶猛夫詫突睛省公子嗤駢脅文尖團臍互覘文磊落殼先揚生褪裘雪膚鬆葵披鈿金鬢欲千齡錫珀

凝脂潮六州鐵鑄甲省疊疊鬣足叉省薄薄蠟房映仁瑩白瓊液滋仁頰黃玳膏浥錫肌充美自含錫腦滿香齊

嗜批卻爪梳爬省觸芒齒咋齧省攖疑戰拇翳文齧擬甘唇狎葵渠魁咸拔尤生么膺亦承乏錫髓浮霑襟裾潮

支解謝箸筴省紉咀耐更番省大嚼誚半雲仁積幣高峻嶒仁餘肪膩接潔錫賤桃花楚賊錫陋藻茁越蚶錫倦僕

涎欲流省饕朋口猶吐文菽乳滌惺忪文菊鈴搓鞞鞞生清盃陳綰巾葵雅譚促蒲筵潮候乘夜月虧潮興逐秋

風颭醉容何僕僕省鄉語競評評仁荻漲遠踰淮仁蕪波清到雪錫答簪迎溜縣錫籛筓楸泥插潮江空八月寒

芳港暝一燈省擘洲煙溟濛文菱渡水潞泚生郭索依牛涔葵沿緣上魚罨潮奔明集渚汀潮負固藏厓厓省鉗

蘆走蹒跚省執穗行超越文智輸蚪泉穿仁形寄罽穴仄錫乘潮或歸溟錫過雨爭聚插省菅屨來徐徐省葉船

去泛泛省罾撈帶草蝦文簦動驚花鴨生種堪按譜搜生味待加餐噍潮瑣碎鷄鶩纖潮輪困虎斑甍省長卿文獨

豪省彭越力寧怯文紛紛遭拘擒仁帖帖被檢桮生非一千須錫輩喜十六恰省趁墟沙尾喧省論價擔頭壓

詩換蘇何饑文洒浮畢所押仁送似正白衣生招邀脫烏哈錫生拆宜鹽投潮熟蒸忌湯煤省榼釘蔗霜黏省黏省罍

裝椒雨腌省封糟審墻陰仁和醬暴簷吸生真應常侍除錫幸少監州僧省烹異葵公訛省議思鍾子誦省偶參琴

心圓文每悟茶眼貽生歸夢懸釜釜葵客懷滯簪笈省舊蹟印鴻泥潮流光熟羊腴省蓼塘畫展屏省笠澤書縑

匣給鮮微食單。仁忍俊妨淨業。少坐俟吟安。熊星芒動簾押芳。

邵晉涵

字與同。號二雲。餘姚人。乾隆三十六年會試第一。官至侍講學士。

蒲獨山房詩話：二雲學問，經經緯史，包孕富有，而不以詩賦見長。在史館最久，數十年來，名卿列傳，多出其手。據實直書，未嘗有所依阿瞻徇也。所著爾雅正義，先已刊行，又有孟子述義，韓詩內傳考，穀梁正義諸書，未成，皆藏稿於家。子秉華將彙而錄之，以惠來者。世人但誇其小學，蓋方隅之見爾。

秋夜作

英英西山雲霏霏，破高樹，明月無餘暉。飛來落何處，江草日蕭疎。江花澹容與，想見羽衣人，乘月披雲去。卽目媚芳華，孤懷感羈旅。雲中君不來，風鈴夜深語。

題阿少司空奉使探河源圖

昔從石室校圖錄，紀遠得見河源書。偉歟盛治關壘竊，于闐葱嶺成通塗。尋源特命世臣往，覈實還奏承帝俞。勒成巨編貯秘閣，流傳芳蹟存遺圖。連峰接天勢，匝匝盤陀一徑通。幽巘巒迴谷，轉地平衍，突見泉脉交融輸。垂杓宛轉排列宿，堆盤錯落噴靈珠。元人誤會鄂端尾，傳訛互証潘與朱。豈識上源更冲演，里餘三百黃英鋪。迤西巨石羣摩豁，若戴斗極開辰樞。懸崖黃赤本鴻致，天紳百幅空中舒。粲瑩散作鏐邊影，傾沃疑有神漿儲。真源見處雲日期，山靈預使曾嵐祛。乃知天池懸北極，真抵瀛渤成歸墟。豁疑千載

經目驗。豈非精意能感乎。古人睹記限方域。搆虛設象終拘墟。流沙西海岫連屬。廣輪孰與分川衢。潛流出地注鹽澤。扶風謾弗龍門殊。元公辨言述釋水。高源峻湊崑崙虛。渾泡穿地互汨漱。千七百一川所渠。簡語弗詳待申闡。影附誰信溝猶儒。披圖萬里在咫尺。攬轡如見神敷愉。闐風縹馬古有志。遊仙或在清虛都。

落葉

斷腸橋畔此重經。又見風林捲落星。斷梗隨風人易別。薄寒吹袂酒初醒。餘霞江路兼山路。暮雨長亭更短亭。憶昔攀條勞望眼。征衫可似舊時青。

周厚轅

字駕堂。湖口人。乾隆三十六年進士。官監察御史。有蜀游草。

入峽

入峽入下峽。三峽自此始。萬山自西來。東嚮同一軌。蜿蜒折復曲。澗窞僅尺咫。巔若地割據。趾若樹連理。爭勝各變怪。畧不一峰似。或立圭與璧。或爲虵與豕。或者施施來。或豈耽耽視。入定若枯僧。明妝儕女子。睥睨蹶復張。格鬪傾還倚。青蓮不上船。黃石又呼履。柱迴伏波銅。壁換臨淮壘。初日麗觚稜。積雪盡塔尾。

開關豈其然。鑿鑿誰所使。竟挾岷江來。約束不得駛。旁激却積鐵。倒蓄觸利齒。所以一葦杭。動費千夫指。尙有惡灘多。前途問行止。

註易洞有山谷書鉤深三字勒于石

絕磴陟秋風。一嘯羣木動。山腰復右折。石腹裂中空。剜苔索古鑄。鉗口難成誦。鉤深尙有堂。點易此其洞。陰凝紹聖元。冰墜天地凍。端禮碑未書。汴水颿先送。崇政去已遠。織網密無縫。一舸泛黔涪。四境樂旃幘。海外幾歸人。朝端鮮鳴鳳。致此岩竇棲。勢比邱山重。剝餘碩果甘。否極羣賢痛。象占箕子貞。翼擬周公夢。居安序自清。樂玩辭堪用。如何洛蜀爭。亦效鄒魯閔。二賢尹焞譙定幸趨嚮。四座間賓從。涪翁兩字書。范守千秋頌。檻外朱碧流。遂作潢汙供。此邦藉沐浴。繼學得真統。繫我遠遊人。落帆一飛狂。仰止問津梁。山禽隔林哢。

過黃州用東坡先生定惠院月夜偶出韻

舟子解舟天未明。我尙蒙頭似中夜。小僮呼起看黃州。披衣已過東城下。城中竹樓遲客登。城外春醅向人瀉。連江麥浪正掀翻。數塢桃花尙低亞。好山仍如馬上看。美景漫向風前借。東坡遺躅復在茲。南樓一去真長謝。從今水月少客知。但有雲山繞官舍。我來未覓道士漿。渴甚頻思大官蔗。放膽將令北海空。打頭偏爲西風怕。不慚賡韻博嘲嗤。癖以好官由笑罵。

歸州夜泊

石裏沙爲岸。山腰樹作城。人家紛下上。鳥道幾縱橫。不雨雲常住。無風水自鳴。怒灘千古恨。蹉跌爲寒盟。

雲陽縣

已到雲陽縣。舟居戒早寒。人家三面水。秋雨一痕灘。利用餘湯井。清風問橘官。栖霞如可托。高處共吟壇。

嘉定晚泊

斜照落烏尤。山城俯碧流。花明煙外市。燈散雨中樓。古道平羌界。高齋萬景收。萬景樓宋築何年方響洞。佳句

爲勾留。見涪翁詩。

留別吳少甫學使即用其見贈詩韻

從君買就玉壺春。欲盡沙頭酒數巡。好倚風琴聯舊雨。憑教夜話接清晨。收來蘆荻洲前月。照出關山笛裏人。別袂不嫌聞折柳。梅花時節賞花新。

魯仕驥

字九臯。號絜非。江西新城人。乾隆三十六年進士。官夏縣知縣。有山木居士集。

蒲褐山房詩話絜非學本臨先射行實踐不爲聲韻之學獨留意於古文少師朱君仕琇由劉海峯大魁而溯靈臯方氏以上至曾王登科十年始謁選得山西夏縣蓋司馬文正公之鄉絜非益自喜將求所以無愧于文正者今大司馬翁室長君麟方爲巡撫稔君學行時諸州縣請買補常平倉穀以收餘利絜非謂穀價方貴豈可病民請即停止長君驚異舉以風示通省欲薦于朝未幾病卒子

二。是肇光質生先歿。次嗣光舉人。亦能古文。嘉慶己未會試歿於京師。兄弟皆爲彭尚書。元瑞曾運使懷所愛。耳然諸孫皆幼而聚。非文刻者半。未刻者半。恐無人爲之哀集也。

秋夜客懷

人生遠離苦。最苦秋夜闌。況我孱弱息。終年背鄉關。悠悠日復日。會當何時還。時至氣候變。得毋衣裳單。衣單固足念。所期日加餐。皓月照庭隅。徙倚生感嘆。

寒蟬號高樹。蟋蟀吟羅幃。此時涼風起。蕭蕭入深閨。君子遠行役。悠悠我心思。容華不足念。但感久別離。舟行願無涉。車行願無泥。驅車望鄉邑。感晏當來歸。庭前紫荊樹。豔麗正着花。如何風雨至。摧殘相交加。枝葉半顛顛。葆養此根穿。人生骨肉情。視此足嘆嗟。亡者既已矣。在者客天涯。及時莫遠游。丈夫當懷家。

由幽棲寺溪行登棲靈峰

杖策指高峰。巉峽逼層嶺。傍嶺途可紆。選勝屐復整。逶迤沿溪流。徘徊俯密覲。綠草嫩如抽。幽花爛吐炯。漸入見古寺。煙光接青冥。遂穿林木叢。仰測巖巒頂。鳥徑辨微茫。雲竇託溟滓。緬然得殊觀。遐哉闢異境。耳目既昭朗。心期轉清迥。眷言宅斯宇。得往良爲幸。

徐長發

字玉厓。婁縣人。乾隆三十六年進士。官建昌道。有經稼堂魚通諸集。

田園雜詩

野水接茅屋。鷗鳥常相親。蕭蕭蘆荻浦。依依見停雲。商風日夕至。薄寒初中人。田家刈晚秣。午雞鳴煙村。歲稔多裕色。逍遙及佳辰。近局有好懷。酌酒召比隣。願得長有年。觀此風俗淳。

夜叩永濟寺

畢景淡遙山。疎鐘起林樾。烟深巘路迷。露下螢光濕。石房犬吠幽。竹院梵音歇。佛火一龕明。僧鐘倚空鉢。賴茲清淨緣。一契無生訣。遙夜啟禪關。杪權散涼月。

村夕懷薛肇文

浦口亂晚煙。華月在林際。竹樹生清陰。蘋花散香氣。涼露淨琴絃。微風襲衣袂。感念同心人。中宵悵無寐。春暮述庵招飲蒲褐山房時余將欲南還

黃金臺上雲千疊。黃金臺下花如雪。我來三月薊門遊。好景江南坐成別。西清王公大雅倫。相邀共醉長安春。長安春景倏已暮。西山朝爽常留人。湯泉脩禊歸來晚。玉河楊柳烟光遠。作詩潑墨擬岡亭。如雲名士供游衍。吁嗟良會洵有期。紛紛飛絮霑人衣。飄飄却羨雲中翼。潦倒寧慚泥曳龜。劉琨墓外鳴雞早。劉蕡祠畔青青草。脩竹吾廬照眼明。底須鹿鹿紅塵道。

黃葉閉門路。溪迴一徑幽。寒林下飛鳥。冷蘂發牽牛。寂寞元亭酒。飄零白社遊。著書應自得。端不爲窮愁。

夜宿瓜步

九日霸臺讌集

斜月仙人掌。蕭然佇客舟。葦花明夜步。漁火隱寒流。秋片逢搖落。鄉心感滯留。賦詩臺畔酒。一夕思悠悠。

霸水風寒白雁秋。搗來爲客此淹留。終年許下陳蕃榻。九日重登庾亮樓。酒對燕山秋塞遠。霜清汝海暮雲收。驚心佳節違鄉國。落日高臺起暮愁。

將出都門寄故鄉同好

紅塵障面已三年。翹首江關一惘然。擊筑漫沽燕市酒。負書還買潞河船。聊從鴻爪看陳跡。莫向牛蹄問去緣。瑁筵前春事晚。東風無那落花顛。

述庵方伯從滇南移節江西書來詢及入蜀後所著並述黃星槎所撰尙書釋義已成歆然爲賦

四絕

點蒼山色送行旌。早見匡廬五老迎。天與白蘇遊賞地。感懷蓮社不勝情。

湖海談詩有總持。未遺北宋與南施。劒門關路知相憶。垂老偏從蜀道馳。

黃山歸後興翛然。河鯉齊姜笑並捐。賸有當年建安筆。白頭還注伏生篇。

江湖老伴幾凋傷。悵望潯陽與泌陽。寄語青山遠相待。好從三泖問漁莊。

錢 禮

字東注。號南園。昆明人。乾隆三十六年進士。官至通政司副使。

蒲謁山房詩話。南園居壘。慷慨敢言。無所梗避。嘗劾山東巡撫貪暴不法。敕審得實。正其誅。眉稜聳峭。同事畏之。其實中懷樂善。見如不及。清談終日。必以世事爲心。君督湖南。李政子從雲南入都。道出辰州。時方屬門試士。予僅賂一刺。候之。而君遣人固請少留。比日。暮試畢。卽至予寓中。蟬聯絮語。燭見跋乃去。其飲人以和如此。君歿後。索其詩不得。雲南門人袁子文。授以所選滇南詩。略見示。故抄錄數首於此。

長風三首

涼風動湖水。黃鶴起飄飄。立秋已昨日。歲序逝莫要。我家百廿指。難終賴漁樵。計更出門去。病久筋骸凋。默臥念京師。長路愁迢遙。尙欣人不忌。所志非金貂。

細月光隱隱。照我敝牀席。瘦妻中夜歎。十載久爲客。未育一男女。聊與慰晨夕。更知幾何歲。復得同安宅。昔日兩鬢髮。今一已見白。從此盪區中。何堪照顏色。

明日具晨飯。盎已無粒米。堂上尙復知。分責逮諸弟。弟壯各能力。茹荼甘如薺。時命有利鈍。此意久所體。遠行堪代耕。私情復何啟。獨有涓涓淚。霑曾濡若洗。

宜都李明府石首王明府與荔村于役荊州共爲荊州詩予時在公安依韻寄之

夔門東下接荊州。不盡濤聲日夜流。野次天分鷓尾關。門高山磔虎牙秋。雄都峙楚規南幸。重鎮窺吳號上游。請向昇平論形勝。江花睡穩一沙鷗。

渺渺龍山放眼回。層城高倚夕陽開。空聞乘艦浮江去。誰信更衣駕櫓來。沙際忽添巫峽雨。烟中遙認楚宮臺。清時四境無豺虎。王粲登樓不用哀。

沙頭燈去路還東。絕岸南緣息壤通。乘醉來尋一柱觀。披襟全受九江風。鼉鼉出沒蒼濤迴。烏鵲翻飛夕照空。莫倚能詩漫惆悵。老人星在野雲中。

天涯仕宦誼同敦。江漢風流古所論。清賞有時連畫舸。雄談竟夕倒芳樽。文章怕入孫郎帳。聲價終歸卞氏門。此夕公安城裏月。藥鐺孤枕對黃昏。

洪朴

字伯初。號素人。歙縣人。乾隆三十六年進士。官廣平知府。

蒲褐山房詩話。伯初美秀而文。溫其如玉。少與弟桐梧先後登進士。曾有三珠之譽。同鄉載編修震金殿撰榜。皆通經。伯初從之問業。故以員外郎督學湖北。飭童生能背誦五經者入學。諸生能背誦左傳周禮儀禮者補廩生。雙士翕然從之。後由郎中出爲廣平守。將發。屬令之虧空。衆人驚異。而伯初亦憂疑抑鬱。久之。歿于任所。

送別述庵前輩後復得來書有感

誰料終成萬里行。折殘疎柳倍傷情。風饕雪虐人將去。母老家貧子未生。難燭憶曾同鶴禁。銜杯何處話

鷗盟書來只合藏懷袖。欲待重開涕淚傾。

伊湯安

字小尹。□□□氏。滿洲正白旗人。乾隆三十六年舉人。今官貴州督糧道。

春日遊焦山

鐵甕浮青嶂。遐觀萬象涵。圖曾傳海嶠。嘆咄喇貢使繪圖以歸秀獨甲江南。闕若僧談雅。春山鳥與酣。耽游歸已暮。

纖月照清潭。

游南明山

競說南明景。公餘結伴游。荷香僧院靜。泉響石梁幽。古洞誇仙跡。虛亭豁遠眸。高情慙白傅。勝地幾勾留。

初冬雨霽郊行感賦

閒曹無事任游行。且喜連朝雨乍晴。破寺經年僧亦少。江城十月草還生。驚心節候同駒隙。到眼音書滯雁程。山色六朝看未足。臨風彳亍獨含情。

彭淑

字秋潭。長陽人。乾隆三十六年舉人。官吉水知縣。有蟾芝集。

雨後

雨餘爽氣生。夕陽照林薄。野泉奔別壩。晴虹下幽壑。已看庭草滋。更惜岩花落。延佇空搔首。春情自漠漠。
空館對雪懷故園。因憶城南諸友。

小圃積瑤華。霽雪澄清夕。清光射岩扉。寒色帶松石。飢鳥啄枯樹。凍犬臥簷隙。挑燈動微吟。幽意忽不適。迢遞射堂村。蕭條楊子宅。南村數枝花。板橋幾兩屐。歲暮關河深。歸夢阻疇昔。一聞蕭寺鐘。更懷城南客。

晚泊九江

九月四日去秋泊船亦即此時

寒碧一江橫。餘霞向晚晴。秋深元亮里。潮落灌嬰城。暗浪搖燈影。迴風帶雁聲。蘆花溢浦岸。根觸去年情。

上饒道中

樹杪見晨光。烏鴉啼一行。桐陰山路淨。稻氣水風涼。縹緲看雲岫。徘徊渡石梁。村沽仍釀白。勸飲是吳娘。

送徐玉田寶麟署南安郡丞

太息天涯日暮雲。故人落落少知聞。相思舊雨非今雨。惆悵逢君是送君。也恐青衫愁司入馬。誰將蠻語問參軍。好烹一掬芙蓉水。消受梅花到夕曛。

東軒題壁

露下木樨香滿庭。秋堂燈影夜深青。微寒又作瀟瀟雨。聽到梧桐酒忽醒。

黃州憶章門諸子

大江春水拍天流。萬頃波中一葉舟。南浦故人相憶否。斜風細雨過黃州。

汪端光

字劒潭。江都人。乾隆三十六年舉人。官廣西府同知。有沙江晚霞才退諸集。

畫溪訪龔克一

十里畫溪水。茶香動野烟。好山尋舊侶。孤艇入新年。不負春前約。來當雨後天。鶯花猶未足。無事日高眠。

今夜

今夜篷窗宿。鄉心醉欲迷。殘燈猶叫雁。疎雨忽聞鷄。舊扇花應染。新裙草漸齊。嘉辰誰更在。不解翠眉低。

次玉才韻

江南柳色不同看。莫遣吟腰更倚闌。小雨無情天脉脉。春燈如水夜漫漫。知愁每覺貪眠易。愛瘦應憐強飯難。底事天寒勞翠袖。苦將脩竹問平安。

湖海詩傳卷三十三

鄒炳泰

字仲文。號曉屏。無錫人。乾隆三十七年進士。今官倉場侍郎。有午風堂集。

蒲褐山房詩話。曉屏清真廉介。素以名節自持。山東江西兩任學政。非特苞苴屏絕。卽偶有承筐。亦必卻也。詩喜明七子。而風格實在青邱。漁洋閒清妙之致。溢於楮墨。五言如疎梧不藏月。深竹解迎秋。晚風漁火小。細雨估船稀。歸僧松影外。清磬竹聲中。林藏兩厓合。樓出一峰高。細雨高城雁。秋聲古戍笳。潮聲到野盡。帆影上城來。人歸穀雨後。門掩竹風初。東嶺猶藏雪。南湖已送潮。七言如山鐘過澗。初知寺。江月升舟欲上潮。長廊古佛明燈夜。高館秋槐聽雨時。霜後園林如我瘦。溪前門巷幾家新。山迴晴郭猶含霧。風定寒蘆不作秋。破屋自聽蕉葉雨。平橋同試藕花風。石磴茶香清暑後。書聽梧韻晚涼餘。近郭花明秋浦月。過橋鴻落薊門霜。極浦帆檣浮郡郭。秋山風雨到城樓。病餘不受三春色。雨後初逢六月花。皆如列子御風。冷然而善。又撰午風堂叢談。名公佳話。詞林典故。多據其中。足爲史學之助。

惠山石門精舍

松風人巖隙。響在空山曲。攀崖歷幽洞。翛然出塵俗。水簾挂絕壁。百尺注山足。石門古苔封。精舍依林麓。人去春巖幽。芳草空自綠。登茲離垢地。鳴禽亦忘欲。

泛舟滸溪橋。取道碧山莊。至忍草堂。同若洲阿巢葑齋諸子。

尋山雨益佳。挂席下溪水。沿隄凡幾曲。人家紅蓼裏。安知滸溪口。山色澹如此。杖策碧山莊。登山從茲始。

芳塍屢沿緣。石磴更迤邐。歸雲巖寺積。流澗平林駛。落日草庵上。一半孤煙起。入門鳥語寂。坐久鐘聲止。愧無信宿緣。輕舟已東徙。

晚次梅心驛

日午過南溪。言尋伯時墓。道上無行人。惆悵空山路。南望衆山好。接鬣自迴互。龍眠與鹿起。倏忽各奔注。松杉自凝遠。丹楓慙復露。溪聲多在樹。屈曲意所赴。三句觸風埃。到此忽如寤。望遠境屢移。歷近窈難泝。夕雨忽又至。楓香在深霧。竹房聊小憩。前途莫迴顧。

家小山宗伯畫竹

吾鄉畫手多吳裝。高逸舊數倪與王。兩公畫山亦畫竹。後有繼起推廷璋。中間作者亦草草。譬之江湖有行潦。近來耆壽兼畫禪。吾宗獨推二知老。昔年望重春官卿。晚入九老圖耆英。退朝無事工寫生。春花秋樹隨意成。好與苦竹森秋莖。墨花亂捲了無意。真氣結束中分明。頗疑秋雨深夜至。珠露欲落寒無聲。長歌短詠舊時作。愷郎小印朱紋錯。收入行囊什襲珍。時時猶聽風生籟。別來忽已五載餘。西亭佳會難如昨。賸與雲林舊畫圖。一時供奉招風閣。

周燦仿趙承旨鵲華秋色圖

一峯上刻何年立。天半華榭露初濕。鵲山近附半烏頭。相向晴空作秋色。濟南名山此當戶。松雪雲囊急

收入右丞北苑筆底兼神物。由來供秘笈。周牛見畫不見山。淡著青黃靳墨汁。磐石華泉暮雪封。翠屏灩口朝烟戢。我時過此不得上。自笑郵車太急急。單椒秀澤語益信。妙盡山容畫難及。我無仙骨換元丹。扁鵲遺經枉傳襲。歸向橋邊四照樓。垂楊時放山光集。還思重訪會晁蹟。歷山堂畔北渚隰。甘受齊人說好事。一證詩人舊結習。

廣陵舟中送馮道州西遊

黃鳥啼高樹。離人悵遠行。問予將北渡。憐爾獨西征。細柳春山驛。寒烟別浦城。新愁江上水。一送布帆輕。

寄吳秋岳

十里邗江水。流從九曲橋。知君谷口住。時見廣陵潮。客館吟紅藥。春帆奏玉簫。宵深竹西路。清月正迢迢。

新城旅館

春陰不作雨。昨夜又西風。花落鳥聲寂。山寒人影空。客書頻自檢。鄉夢幾時通。莫惜流光駛。當階芍藥紅。

訪顧子邨居

小雨過溪上。秋齋晚最宜。相逢寒露節。來誦故人詩。樹密藏鳩婦。洲寒宿鴈兒。卜鄰吾有意。清味野翁知。

蓬萊閣觀海

丹崖傑閣鬱岩巖。放眼高秋積霧消。滄海一泓真可泛。神仙終古不堪招。估帆風定春通舶。列島天清午

送潮關外朝霞飛不盡。仙遊重見赤城標。

大風渡九江望庾樓作

使程初喜駐江干。路人雄疆倚檻看。十月濤聲溢浦合。大江風色庾樓寒。賓僚後約空舒嘯。山郭新圖記勝觀。明日匡廬真在望。雨檐蕭瑟夜將闌。

送人之淮安

長淮渺渺起秋波。板閘沙堤取次過。日暮劉伶臺上望。故人曾住十年多。

毛上良

字羅照。號宿亭。鎮洋人。乾隆三十七年進士。官戶部主事。有思補堂詩集。

蒲褐山房詩話。羅照弱冠好詩。與同邑王瑜陸元邁結詩社。出入唐宋。才情橫厲。又工畫。初效原祁。繼與王宸臨摹。宋元名蹟。縱橫變化。獨自成家。在中書時。諸城劉文正公謂之曰。一卷青山送一年。非君佳句耶。其名重公卿間如此。

刪竹

草堂數竿竹。託根始田畛。分攜栽我庭。位置擇深穩。加泥復灌泉。珍護風霜隕。積厚乃敷榮。歲歲茁新筍。嬋娟散新碧。蒼翠聳尋引。子孫不知代。干霄集鸞隼。秋落悲梧桐。朝榮笑木槿。何如對此君。猗猗日悃悃。出門今歸來。忽歎生理盡。叢筍竄階屐。橫篠礙戶楯。既掩文石秀。益露古牆蠢。扶持莫自立。恣縱終見損。

未免施斧斤鬱鬱感憂慙。種植頗艱難棄置良弗忍。此竹亦猶人願人學務本。

從義扶乞草書歌

風雨颯沓波濤驅。斗室恍與龍蛇居。回頭忽悟屋漏壁。長矛利劍光鋸舒。宏農二妙天下無。三杯癩史神仙徒。筆堆如山那可至。要使萬卷充膏腴。多君三昧擅家學。肘後傾倒青泥壺。怒龍倔強兔飛走。枯松叫鶴波驚魚。杜陵評書貴瘦硬。此論往往嘲髯蘇。植材臃腫各天性。何薄饑鷹誇墨豬。方圓在眼法在手。筆勢欲落先躊躇。與酣揮灑數百紙。狂呼跳躍縱橫如。今人不識顏柳面。干祿乞米何爲乎。少小喜學元祐脚。依樣那得成葫蘆。白州刺史來蜀都。肌理細膩脂凝膚。請君一掃筆陣圖。勿云未暇匆匆書。

夏苗行

古氓出兵兵歸氓。今氓爲氓兵爲兵。古蒐獮狩大閱精。今以苗治無妨耕。茜涇教場廣于城。一井可以屯千營。中央瓦屋高建瓴。迺是演武將軍廳。虞人萊田沙草青。百步一表牽長緇。質明赤日懸銅鉦。風翻帥纛黃金鈴。觀者如海如山陵。兵制防海數議增。詔寬餉額充千丁。此時教場列陣明。縣鄙鄉野各以名。馬步鎗厰分四停。整兜貫頂紅驪纓。銀鎧金闌爛眼睛。大書日月風雷霆。我刀我淬戈我矟。青犀之弧白鷗翎。誰其遮者洞爾膺。士氣旣飽馬氣騰。炎敲肆虐滾火鞞。官堤偵騎飛流星。將軍臥起解宿醒。正啖牛脯饜羊羹。須臾鏡角動地鳴。狼豕沸穴猿落檜。撐天火繖黑隼旌。師旅卒兩伍長迎。將軍騎馬馬不勝。以人

作馬肩輿行。直入堂上擁髀毳。中軍狗陳先斬牲。不用命者如此令。鼓人伐鼓聲鑿鑿。隊隊伍伍雄彪彌。上軍下軍天地亨。左軍右軍牝牡承。前軍後軍鵝鶴形。八闕六花環四層。震雖定位陰陽靈。人入馬出馬絕鞞。馬入人出人超躡。或擊其首其尾應。或犄其角其脛撐。穹廬芟含軋霄嶂。忽登天姥聞吹笙。是名大陣威材成。小陣刺擊虎格虜。膈膈膊膊縱縱錚。失手人鬼呼吸爭。使我慄股陰山冰。撩交復起拳脚并。銅獅鐵豹相排擊。爾欲我撲我爾傾。拔山不動均輸贏。轟然合圍殺氣蒸。大礮小礮雷豁軋。大弩小弩星貫棚。而鉞而鑕而蠻籐。四五百步飛蒼鷹。塵埃漠漠雲晶晶。青天白日黃冥冥。帳前撼谷射老巖。幕下攪海擒驕鯨。將軍曰止執律興。六軍不聞人馬聲。我聞欽飛百萬利用征。晉壘楚壁無堅扃。又聞神威龍武衛。玉京鴉兒雁子多縱橫。卽今桓桓貔虎英。以此衆戰孰敢撓。蠢茲不邦作不庭。滇池萬里烽烟驚。臣桂臣袞臣相恆。帝曰帥師惟汝貞。天戈所指櫬槍清。不日銅柱標新銘。三軍脫甲歌太平。億萬千歲金甌寧。爾輩可以休戈稜。將軍曰我承天子之命弗敢輕。明日再演狼山營。

榆河曉發

可憐榆塞月。夜半出柴門。寒人黃蘆戍。秋殘紅葉村。密林防虎械。野火散羊屯。此去憑誰問。蕭蕭慘客魂。

涿州

雨雪罨孤村。樓桑近北門。一堤沙路軟。雙塔樹陰昏。忽下吳人淚。難招蜀帝魂。朔風驚刺骨。還戀敵裘溫。

宣化府三首

形勝居庸控上都。黃沙一片夕陽孤。金城鎮處封疆重。玉筮巡時草木蘇。雪後見花春寂寞。雲邊認鴈月模糊。懷來萬里車書集。不作丁年出塞圖。

迢遞香河接阪泉。大弓曾此發雕弦。龍門曉月猶存代。狐嶺秋峯直到燕。雨過葡萄隨店賣。日長雞犬上牆眠。烏桓景物猶堪誌。銀箭銅爐送舊年。

險驛雄關僕馬難。臨風頻灑涕洟瀾。天圍部落秋原迴。人過營臺曉色寒。堡樹獵餘收捺鉢。寒田春早熟牢丸。龍庭亦是桑麻地。只有征夫不忍看。

荆軻城

變徵歌殘白草枯。紫荊關外月模糊。真令豎子埋屠狗。終遣西周聚憚狐。賓客尙看揮涕淚。將軍空自費頭顱。卽今易水蕭蕭起。不見當年督亢圖。

飯笠畊先生齋得餐字

草堂粗糲共朝餐。書卷綸竿四壁寒。往事久拋同馬蹟。故人那肯累豬肝。閒挑冰雪青蔬圃。笑整溪山紫籜冠。高臥醉鄉還自署。梅花亭長橘洲官。

新燕寄王卓潛

歸來何處又匆匆。巷口江頭旅夢同。萬里掠將寒食雨。一番吹過杏花風。家家玉壘香泥碧。夜夜雕梁燭影紅。莫倚辛勤好長住。傍人門戶總成空。

登甘陵城樓

旌旆飛揚雉堞平。高樓臨眺不勝情。潮聲夜轉盧龍塞。樹色遙分夾馬營。人渡三關稀見鳥。春歸五月始聞鶯。如何董相談經處。惟有蕭蕭禾黍生。

許兆椿

字秋巖。雲夢人。乾隆三十七年進士。今官江蘇糧儲道。有秋水閣詩鈔。

蒲褐山房詩話：秋巖與弟石泉兆棠先後入詞館。成以才名。而石泉早卒。秋巖轉御史。降刑部郎。由知府而至監司。踰躐仕途者幾三十年。嘗與予案事高郵。及長沙。應山。衛輝諸處。同羈旅者年餘。于思飄然。議論明達。工詩善書。尤精於吏牘。下筆千言。無不迎刃而解。蓋非獨以吟味見長也。與其鄉余元亨同知彭秋潭。明府文名鼎峙。予過雲夢。造其廬。老屋數椽。蓬蒿掩戶。竊以為元次山瀟溪之云比。

題吳明府森雲衣江西人石門山圖冊子

荆山揚鏗爭摩天。欲斷不斷浮蒼烟。千盤萬疊石門出。峭巖一坼流奔泉。橫橋直架洞底壑。漱瓊鳴玉聲。濺濺溪風吹翠濕。欲滴老樹挂壁根。空懸梯山鑿石盤。鳥道古藤百尺愁攀援。茅檐一二負嶂立。夜半駕鶴來飛仙。如何造物不自惜。更於絕壁窮雕鐫。懸青萬仞門呀然。一步一使心迴旋。如鴉蝙蝠撲人面。似

乳石髓滑不墜。天風掃斷塵埃蹟。杳杳時有閒雲眠。使君青眼了不負。亂山堆裏居三年。拂衣一旦擲官去。綠陰處處啼春鶯。祇留山色在圖畫。木妨羞澀囊無錢。驅車京洛塵滾滾。興劇一放黃州船。雪堂月好快把酒。時客羅太守旭莊所江天萬里清而妍。此時披圖發長嘯。石門之山落眼前。要留面目對山色。豈可飢餓供人憐。我歌未已君忽笑。此語未足聞時賢。置圖一鼓瀟湘絃。衆山響答空中傳。

曉渡吉林江

渡口人初聚。波心鷺不驚。塞天風有色。江浦月流聲。截岸山屏壯。衝煙桂楫輕。大哉觀水德。千里總澄清。

舟中酬召村

衰柳依依漢水潯。危檣南下氣蕭森。人來絕塞三秋過。事到中年百慮深。薄祿虛霑悲子職。長途久滯繫親心。寥天旅鴈何多事。又送嗷嗷入夜音。

漢江舟中和召村

五湖泛宅計猶賒。擊楫今登漢上槎。世味漸諳知老大。鄉園欲近問桑麻。隔村樹杪馳帆影。逼水堤根動浪花。無限心情同着眼。可憐倚棹聽慈鴉。

過萬小莊與同人小集

幔卷高軒夏日長。圍棋作畫任徜徉。風驅殘暑剛新霽。人戀窮交況異鄉。事到中年多感慨。語因小醉恕

荒唐劇憐子敬琴聲寂。冷落當前鬪酒場。小莊與石泉弟交至篤。石泉下世。今年許矣。故感及之。

灤陽雜咏

塞上雲多易作秋。垂楊何處起邊愁。羣山碧重烟初合。魄月明生火已流。小立森寒添半臂。大言論事愧長頭。無端搔首驚清聽。不斷飛鴻叫遠洲。

占得鳩巢十笏寬。入門草草卸征鞍。袍痕濕帶潮河雨。日色明流太乙壇。山截龍沙天保障。地尊斗極夜高寒。朝來封事知多少。恐對漣漪賦素餐。

羽書三捷奏甘泉。萬里行師總萬全。雨箐旗飛山奪險。雪林碣劈石摧堅。風雷直破蠻人膽。日月原臨化外天。腴肉未消空策馬。據鞍何處着先鞭。持方廓爾喀用兵。

上元日至山海關卽事口號

使星幾度出營州。佳節真教賦壯游。記得前年長白下。雪花如掌作中秋。壬子秋奉使奉天。再使黑龍江。中秋大雪。重陽又雪。

李堯棟

字松雲。山陰人。乾隆三十七年進士。今官延平知府。有寫十三經室詩鈔。

仙霞嶺

亂竹刺天高松聲萬壑濤千盤出雲表百里見秋毫北望無飛鴈南維割斷鼈蠻烟深隔處天爲限神臬
山家

田亞綠雲梯叢叢板屋齊春聲溪近遠日色嶺東西墟古人烟少岐多樵徑迷征夫行不得愁聽鷓鴣啼
吳俊

字曇繡號蠡濤吳縣人乾隆三十七年進士官山東布政使有榮性堂集

蒲褐山房詩話蠡濤與弟少甫同以畫省望耶稱詩京雜又與馬玉圃培李滄雲茲詩場酒座無不同之而蠡濤取徑幽深精心獨造非但不拾人間餘唾亦不必盡合古人矩矱也從軍以後崎嶇烽火所見益奇筆足以發難顯之情卽少甫亦多不逮

徂徠山下

一往入楓柏不知谿路深林開見巖壑窈窕徂徠陰雨足黍苗長綫溜懸遙岑落日一照耀石髮抽瑤簪
上王在何處上王村名梁父無人吟三兩見牧豎百十飛水禽喬松不可見蒼霧秋沉沉

再遊千像寺就僧飯

山門故依然斷紐懸危鐘寺僧如猿獠跳躍捧我筇親切竹裏路狎熟林梢峯經唄講堂歇水磨齋廚春
蔬葉嫩勝剪椒芽芬可供疆疆鵲覓粒宰宰颺窺墉師談往日虎我忱鉢底龍落日且辭去花霧堆重重
藤縣用東坡先生藤州江下夜起對月贈邵道士韻

鐔溪水如刀。飲之淬心肝。藤州城似斗。細路蛇蚓盤。我憐黃頭兒。赤脚踏急湍。前尻壓後脰。容坎不暇看。而我倚篷坐。西風送朝寒。耳目慙閑曠。意興棲鷺安。摩挲雙鶴研。清露瓜瓢漚。新作二端石。研搗以自隨。是中出新句。墨灑江漲漫。道士不可見。林禽弄幽彈。緬懷儂耳客。扁舟下空灘。

百色

山髡水復頰。草木遭蒸煮。火雲卓朱蓋。罩此斗大城。我行冒溽暑。載驟心怵怵。足熱解鞋系。頭汗憎冠纓。或言此火宅。硫磺灼溝阬。一兩山骨沐。熏毒流縱橫。飲之損人壽。溘之膩不清。連檣艤市舶。貨薄錢則輕。厥利入僑籍。土著不得爭。日日兵馬過。數數賦役并。老翁走蹙蹙。弱丁啼愴愴。衙吏虓虎闕。里甲勞魴頰。節氣過芒種。磽确方犁耕。十牛九將子。且哺而且行。過時歎不穫。何以贍我生。覩之心慘怛。不能已徂征。堂堂大司馬。兩手握萬兵。雷霆淬精銳。耳目開聰明。要當蔡州襲。勿作楚幕偵。滅此遂朝食。卷旆敲金鉦。壺簞實漿食。千里毗黎迎。

題春明廣文畫竹

一竿受風娟欲語。一竿撐空拔儕侶。一竿橫逸露半身。下有緝嬰尙戴土。廣文胸中十萬竿。三竿乍向醉後吐。以其落筆想其餘。鸞鳳鞭笞伏膺腑。長安酷暑鎖渴羌。清風萬錢何處賈。濕雲漏雨騰蒸飈。木榻驅蠅坐沸釜。翻身向壁變清涼。稍覺湘妃步秋雨。可憐內熱損精神。一幅琅玕那堪煮。

濟南秋思

商意入林薄。蕭晨鷓鴣鳴。山連車子國。水遶晏嬰城。雨洗碧天淨。草涼池館明。長安一回首。愁絕鴈南征。
眷眷追前約。舊秋頗多文酒之會。怱怱俯逝波。姓名秋社熟。詞賦驛亭多。密雨侵蘿薜。西風颭芰荷。修鱗三十六。不寄一書何。

晚秋池上

俛仰小池上。西風驚客心。不須感搖落。長自愛秋陰。梧竹倚娟妙。水雲相淺深。禽魚知我樂。舉步即華林。

清化驛

翠嵐堆白屋。綠幔捲青岡。無雨楫欄戰。微風蘭杜香。騷情憶公子。幽館恐斜陽。明日崔婆酒。停驂試一嘗。
羅舊驛館

行看嵐翠潑人衣。坐覺溪光冷入幃。境美最貪茶後睡。身輕差熟夢中歸。山銜楚雨黔雲起。鳥掠湖煙嶺樹飛。一曲芷江清徹底。美人不見思依依。

老鷹巖

蒼鷹摩翅入雲中。鑿壁誰將爪距礮。戍卒拾薪尋虎蹟。山人削枳縛牛宮。故知狐兔無藏窟。祇覺鷓鴣在下風。側起一岡猿臂拓。擎人先遣眩西東。

與玉圃比部夜坐

南院啼螿北院箏。商音淒霧不分明。二更秋自銀蟾吐。小語涼從冰去聲簾生。才子性靈盟楚畹。仙人樓閣寄瑤京。莫言一樹無情碧。會寫風聲更雨聲。

奉檄赴西粵軍營留別寅僚和莊胥園廉訪送行原韻

萬里特柯一羽翰。鍊衣試着路人看。書生敢謂平蠻易。幕府深虞轉餉難。祖席舞花剛爛漫。征帆拂樹得輕安。故人四韻珍朋錫。爲遲秋風載戢干。

李 黎

字滄雲。長洲人。乾隆三十七年進士。官順天府府丞。

憩雨花菴

侵晨入野寺。小憩試烹茶。竹露半窗靜。松風一徑斜。新詩題古壁。佳話寄僧家。先是管松崖龔荻浦兩太史有和詩粘壁我亦南行客。蒼然兩鬢華。吳太史原詩有白髮未還家句故云。

登黃鶴樓

仙人騎鶴去何日。復飛來。獨有清秋月。長留漢水隈。城臨高岸起。樓倚暮烟開。詩思凌虛發。何須玉笛催。
秋日遊毛氏園林

題曝書圖

憩石消殘暑。空庭好曝書。松風一逕入。竹露半窗虛。墨古留冰蘚。香清走蠹魚。晚來乘月讀。涼意滿衿裾。

鐵保

字治亭。東鄂氏。滿洲正黃旗人。乾隆三十七年進士。今官山東巡撫。

蒲謁山房詩話。治亭少入詞垣。偕其弟聞峰。並以詩名。而治亭尤工書法。北人論書者。以劉相國石庵翁。鴻臚。覃溪及君為鼎足。嘗選集國初以來滿洲人詩。為熙朝雅頌。其一百二十卷。以子向在我幕。與章嘉文成公多倡和之作。從子處錄而補之。蓋百餘年來名人傑作。搜採無遺。尤足為盛朝掌故也。乾隆庚戌高宗純皇帝東巡。子與聞峯扈蹕。屬車豹尾間。恒相酬贈。惜其詩已佚。無從蒐輯。附識于此。

遊醉翁亭

滁山萬笏青。選勝得幽邃。中有歐陽亭。翼然臥空翠。枯梅挺異姿。云昔公手植。老榦標千年。餘蘖發新致。四維匝修竹。天影不到地。瀟瀟君子風。林壑自生媚。亭南疏釀泉。百尺漱清泌。曲折雲碓穿。噴簸崖骨墜。亭中何所有。屢禳宮碑記。屹立坡翁書。斑駁露神異。遙遙六一翁。樂歲勤撫字。醉飽滁人同。酣歌豈遊戲。我來醉翁亭。不識醉翁意。咄哉羣吏醒。何如此翁醉。

在平

路入重邱境。肩輿扣縣門。地延孟子館。人近魯連村。樸俗衣冠陋。荒城鳥雀繁。礪礪成贖蹟。古月澹黃昏。
宿花莊

晚就花莊宿。花莊花已淒。田車欹短壁。水碓臥荒畦。日夕枯棹靜。秋深擺楫齊。孤吟村漏息。土屋坐然藜。
滁州道中

萬壑壤滁郡。肩輿入翠屏。烟蘿沈大野。玉筍插蒼冥。晚稻沿溪熟。秋雲帶雨青。風高懷六一。渺矣醉翁亭。
雨中過鄒縣望嶧山作

嶧陽千仞鬱崔嵬。雨濯芙蓉面面開。碑碣字消秦帝後。風雲氣擁岱宗來。山川地有參天勢。鄒魯人多曠世才。我欲登高停使節。隔溪空翠濕龍媒。

登攝山最高峰

角峯巔巔千巖外。瘦削芙蓉入渺冥。龍虎氣蒸鍾阜白。金焦影蘸海門青。時平莫問山多隱。僧老方知藥有靈。欲訪江郎舊亭館。碧雲紅樹幾飄零。

卽事

白雲瞻望淚洄瀾。嚼蘖肝腸強自寬。愁裏逢春驚老至。中年生女作兒看。宗圖欲譜成家乘。祀典仍虛媿禮官。更有佳城營未得。數椽擬構闢荒寒。

緇塵浣盡素衣輕。抱影空齋擁百城。僕愛詩依蕭穎士。客逃名喜蔣元卿。三餐自爨長腰米。百罰頻澆折脚鎗。老矣青壇真故物。雄飛雌伏各忘情。

落拓名場未有涯。周妻何肉累頻加。喜從白傅分鱗爪。肯向元暉藉齒牙。湖海氣高身獨臥。溪山興遠夢無家。顧郎自是難衣食。白屋青燈鬢已華。

春夜

北斗嶢嶢鑑薄帷。讀書聲緊漏聲遲。烏啼偃月初暝後。鼠竄枯燈欲燼時。壯志漸隨春夜老。苦吟未許硯冰知。放翁詩卷音難嗣。後五百年狂者誰。時讀放翁後五百年無此狂詩。

滕縣謁文公祠

齊楚縱橫鼎屢遷。彈丸百里祚孤延。不須更問維新術。已共成周八百年。

馬緯雲

字依墀。海鹽人。乾隆三十九年舉人。有白沃山房詩卷。

蒲褐山房詩話。依墀爲墨麟先生之孫。綽有才情。工於綺麗。子修。西湖志于湖上。就莊。依墀與趙晉齋。魏朱映澗。少藻。沈嵩。門景熊。汪秋白。大經。王秋塋。復。項金。門墉。皆與纂修之列。而依墀所輯人物志。尤詳。予旋奉旨以直隸按察使。起用。未及成。藏於鹽署。後佚。

妙智寺用韋蘇州義演法師西齋詩韻

引杖步郊局。杳杳聞清磬。古寺修竹深。幽禽悅真性。入門藹以綠。草積無人徑。澹然去來緣。秋山起遙暝。

長歌呈桑水部院長

先生稽古經術崇。手扶大雅陶愚蒙。餘山

勞先生麟書

絕業繼濂洛。英靈肯許常人鍾。茹韓吐蘇大手筆。過都

歷塊如風駿。金庭石室不肯住。富貴於我浮雲同。長空倏忽搖天風。偶乘雲氣騎飛龍。黃雪亂灑千長松。泉聲兩耳鳴琤淙。芒鞋竹杖自來去。遍踏五岳青芙蓉。自從歸隱聖湖曲。空堂夜讀聲摩空。賤子寂寞海濱上。夙味經義徒雕蟲。竭來飄泊淪楚澤。書皮高開塵黔容。昔年親故半未覲。論交三世今識公。公開寶帳集都講。煦拂四壁春融融。五金在冶仙火鎔。斧劉片削加磨礮。吾儕豈甘自暴棄。熙恬竟日隨嬰童。人生不朽有大業。欣戚豈在塞與通。上自皇墳下稗乘。披尋一一羅心胸。無味之味貴獨得。力田寧計豐年逢。少年歲月況強盛。旭日炫采緣升東。微軀七尺著何處。苦無大藥仙疲癯。高騫思附鸞鵠翼。薄采終棄蓀蘭叢。太息古學坐蕪蔓。語欲出口傷瘖聾。洗荒滌穢竟莫覲。浮聲掠影徒相攻。安得虎觀諸儒作。掃除宿霧摩青銅。行愁坐歎苦未遂。先生白首猶趨雄。烟林拔起雲當中。膏雨到處繁花紅。笑指枯枝枝盡綠。春華無使隨秋蓬。

奄黨噓殘燄。成仁竟殺身。屠沽能此舉。冠蓋竟何人。毅魄荆榛聚。豐碑最屬新。要離遺塚近。俠烈共嶙峋。

同汪柏巖淮射亭河昆季過南屏訪心舟上人直雨留宿山舫

杖策萬峯頂。寺門山雨涼。竹深烟磬寂。花落石床香。白社棲心晚。青山笑客忙。十年今信宿。得飯贊公房。

予客楚中。吳竹堂進士爲予亟稱心舟。及今識面。已十年矣。

歲暮雜感

大江南去古揚州。修禊紅橋攬勝遊。

盧公雅雨轉運揚州時。曾修禊紅橋。

轉眼豪華成代謝。當時羃屐擅風流。不堪痛哭羊

曇路。何處重逢郭泰舟。更是丁零關塞遠。朔風吹雪海西頭。

盧公令嗣蘊齋觀察時奉命出塞。

匆匆書劍杆飄零。曾泛扁舟到鶴廳。黃鵠山高看判牘。桃花洞曉憶談經。移來香草騷人賦。欲吊湘江帝子靈。小阮近聞多著述。爭看摛藻耀天庭。

懷吳明府古心先生香草居稿吳宰長沙時著。

夜坐有感

迢遞孤懷怨暮砧。裊裊風露上衣襟。空堂清簟隨秋冷。小閣殘燈入夜深。落葉有情終戀樹。幽花無處不關心。支離倚枕慚多感。攪涕何能寄好音。

董詔

字馭臣。安康人。乾隆三十九年舉人。

蒲褐山房詩話與安界聯楚蜀地入萬山枝鹿之風幾同禁味孝廉無待而興獨能覃研經史絕不爲俗學所拘洵豪傑之士也生平真介自持不趨公府自吳太守六鰲郭大尹夢琴兩君外其餘貴人招之不往作詩頗宗杜陵句奇語重而驅使故實足以副之正非稗販點竄者可比近日鳴狐篝火逼近興安而久聞隱君子名戒不入境故得自安耕讀閭井晏然

題禹穴

大禹藏會稽厥生在石紐遷史太白書兩地耀先後蟠冢導東流曾聞棲寄偶竭來訪遺蹤扁舟出洵口直下百里閒巉巖如新剖峭遮天躡窄浪激坤軸吼微茫石徑懸剗然開戶牖縱橫十笏地乃憩錫圭后四壁青琅玕疑鑄文蝌蚪欲譯忘家句剝泐惜已久回思西來流夾岸連岡阜中開坦迤地百僅一二有露雨泛波濤渺焉成淵湫不知未治時何處窮澤藪美哉德遠矣到今賜寶受摩挲營窟蹟緬懷決排手春秋薦蘋蘩社臘潔尊卣西蜀與東粵蔚爲三不朽恨無謫仙筆擘窠鑿巖首出穴慨焉顧浩浩滄浪走

甲口鎮

望外楚山碧巖疆一水收圖經傳甲口地勢入秦頭兩戒雄南服千年壯上游欲詢庸濮蹟錫穴暮雲稠

秦瀛

字凌滄號小峴無錫人乾隆三十九年舉人四十一年召試賜內閣中書官湖南按察使有小峴山

人集

蒲褐山房詩話錫山秦氏素以事功經術見稱至對岩學士始擅詞章有蒼峴山人集故凌滄以小兒名集又維生給事兄弟所著泉南山人存藁頗能接蹟柴桑以及重陽摩詰君爲給事再從孫五

言今古體。具得其傳。至七言古詩。兼宗范陸。具體而微。蓋其家學所未曾有也。在武陵數年。益以文章山水自任。招邀賢俊。屢爲詩酒之會。刻前哲遺書。又修望湖樓於湖上。以供東坡修亂井寺旁隙地。建祠以祀少游。而詩文日益進。然性情蕭澹。雖勤於吏治。而素無宦情。邇湖南按察使。不及一載。以病乞歸。東南人士。猶冀其復出也。

循黃公澗至忍草菴二首

緣巖涉寒澗。蒼蒼翠微遠。偶因孤興發。高林屢迴轉。虛景重湖深。連陰衆峰變。松間乳泉細。竹裏餘風善。幽鳥時一鳴。不知山深淺。

茅茨蔭長松。一龕鄰石壁。欲問楞嚴字。中有趺跏客。清機滿空虛。幽篁弄寒碧。夙懷清淨退。淹留便終夕。空山少來者。惟見麝麝蹟。

遊管社山莊

石出寒流清。幽篁映虛館。微風叢際來。空翠忽凌亂。乳竇泉脉動。峭壁烟華散。坐深潭影移。境轉山色換。息機渺漢陰。歸舟復三歎。

中秋起坐望月

夢覺山窗明。下堦整衣帶。石泉散清影。涼月森松檜。衆響一已寂。澄心與之會。獨無邨中琴。何人賞絃外。秋夜報恩道院與青谿別

街鼓逼巖城。竹院鐘魚靜。了了潭上月。照見石髮冷。夜寒人未棲。露下鶴先警。溪橋一分手。落葉迷歸影。

山家

芒屨踏寒雲。路徑翠微裏。秋林橫短笏。人家映清泚。炊烟殊寂寥。山翁出門矣。日暮鶴歸巢。高風落松子。

翁舟

離鴻下秋水。谿色相與暮。泛泛何所之。浮生本無住。一棹入烟叢。笠上松陵雨。

渡江有懷

江雲漠漠生。遙指西津渡。故人昨夜別。何處還相遇。打槳人寒潮。月上蕪城樹。

呈寶東臬先生二首

微言既以絕。六經尙訓詁。卓哉毛鄭徒。於世實初祖。後儒聚訟繁。立民多齟齬。夫子起東海。學術靡不舉。精微穿奧窔。洞達闢牖戶。私智匪所矜。卮言固無取。下以詔來茲。上以宗鄒魯。媿彼捫籥流。其識等矇瞽。雕蟲本小伎。章句良足愧。然而尼父言。文迺載道器。六經既云亡。飢餓及五季。孟縣實起衰。選言庶精粹。吾師辨流派。大小入睹記。少步翰墨場。力拔班馬幟。絢爛歸淡泊。文至道亦至。不材殿門墻。負劍驚辟咤。祭川必先河。登堂務躋越。卓然羣倫倡。斯文賴不墜。

勗緗武

操觚學文字。漸熟漸老成。術業苟弗專。厥藝胡由精。治文如攻玉。磨琢神迺瑩。治文如冶金。陶冶生光晶。

羣言入鑪錘。六籍儲菁英。斯詣貴深造。匪曰旦夕程。汝今務帖括。筆力頗縱橫。惟苦所涉淺。腕底疵類呈。沙礫混精鏐。砒砒雜素瓊。勉旃更力學。日邁月斯征。技果進乎道。豈獨取世榮。

勗細文

汝齡今十五。未解習文史。須知志學年。年已非穉齒。奈何更不學。悠悠負長晷。先王重四民。四民莫先士。詎惟弋高科。將以通萬理。人生天地間。無如讀書美。慎勿生厭苦。咀之味愈旨。吾家數百年。弓冶只此是。我貧無所貽。貽汝一經耳。過時而不學。後悔不可止。斯事不若人。當引爲己恥。力學如力農。耕耨自茲始。

寄述庵先生

雲棲古蘭若。江上鬱崇嶺。竦竦穿罨窳。墮地碧雲冷。公本住世人。來宿招提境。此時寒山空。禪燈一龕靜。知公萬想滅。獨禮金粟影。心與潭泉清。道契巖月問。我今嬰世務。塵慮安得屏。緬懷繕性者。聞鐘發深省。

五人墓

茄花滿地紅。委鬼當頭坐。趙媯王聖何披猖。鈞黨東林逮楊左。緹騎四出來吳門。吳門白晝風霾昏。大聲東廠索人急。銀鐺鐵鎖聲。脛喧。五人踉蹌趨大府。號呼欲救周吏部。張拳奮臂雷電掣。緹騎紛紛竄如鼠。借問大府誰。義兒毛巡撫。飛章告變誅五人。延頸從容甘鎖斧。嗚呼五人市僧徒。一旦赴義同捐軀。死隨吏部化厲鬼。披髮上訴鋤閹奴。纍纍高塚武邱路。歲歲棠梨酒一盃。君不見碧雲寺。舊是衣冠墓。闔處墓

碑百尺委荒榛。惡鴟空叫斜陽樹。

髯仙行吊劉丈思茗

吾鄉劉思茗先生老而不遇。以詩聞於時。丙申秋余之官京師。與先生別。既晤兵曹王西園表兄。知先生於是冬病歿。兵曹作髯仙行哭之。先生固髯也。余素識先生。情何能已。

伯鸞溪上烏啼樹。風月湖山問誰主。蔓草空悲白社人。衰楊徒泣青山雨。憶從束髮識髯仙。飄飄意興凌

秋煙。看花幾着阮浮屐。載酒頻呼范蠡船。中間落魄安可說。郢門夜雪金臺月。章句從教老布衣。功名只

看添華髮。浩然歸去百不憂。掀髯一笑同浮漚。問字侯芭推著述。閉門蔣誼擅風流。自昔騷壇數才調。二

劉伯仲誇雙妙。劉震修先生兄弟嘗與先宮論唱和碧山吟社。蘭成況似庾肩吾。子敬寧輸王逸少。先生父於根先生長於詩。近來老輩頗凋

零。滿船不作雙扉扁。雙扉船先生於先生爲中表亦工詩去年病歿。空餘破卷留殘蠹。已悟浮生比斷萍。那堪歲晚京華住。凶耗

傳來重歎逝。可憐吟斷鮑家詩。化作黃墟數行淚。

朗齋以水仙倡和圖冊索詩輒題長句

君本江南客。最憶江南花。衍齋手種得幾本。雪霜翦翦含春葩。幽香一盞浸春水。寒壓冰魂呼不起。夜深

化作白雲飛。飛入琴心七絃裏。七絃冷泠清復清。月中仙佩來瑤京。何人貌得蕭騷致。長與詩客聯芳盟。

我爲看花情脉脉。家住江南歸未得。一枝合薦水仙王。西神峯下寒泉碧。

爲錢秋濤太守題出塞圖

高秋大漠邊草枯。波羅^{名地}九曲蒼駕呼。羸鼠谷虎交徑。涼颺獵獵飄黃蘆。憶昨扈蹕出古塞。與君結隊同馳驅。塞山莽莽寒雲黑。朶顏一角秋模糊。橫鞭遙指畫眉嶺。山石礚礚還縈紆。斜日欲落忽照眼。楓葉亂綴紅珊瑚。河流決漭不敢渡。我方佇立空踟蹰。看君策騎意殊壯。吟肩高聳掀髯鬚。健兒袴褶臨馬後。手射獐血彎雕胡。下馬招余恣拍飲。燈明列帳傾醍醐。君今去作八閩守。甄越南歷無諸郛。蘆門杯溪互環暎。島嶼百怪森瞳矐。時平海國樂耕織。黃堂靜鎮民歡愉。僧繇妙墨虎頭筆。爲君更寫塞帷圖。

晉碑和謝蘇潭方伯

方伯麻舍得古甄。永平二字分明鐫。皖江湖君^度爲考定。謂是晉惠之記年。牝雞司晨鐘簾壞。金鋪兆禍紛戈鋌。銅駝夜泣委榛莽。雒陽宮闕犁爲田。典午距今歷千劫。金石銷泐希流傳。茲甄塹埴出誰手。迺不變滅隨雲烟。落紋斑爛士花繡。剗剔一字不刊。甄厚二寸長以倍。光氣煜煜蛟螭纏。得一未已且得八。羅列直擬羲爻全。主人舊是八甄客。玉堂視草稱神僊。揮毫作歌頃刻就。妙翰親灑鴉青箋。晝長高齋出示我。蛾眉隱隱明蓬巒。銅缸積水墮紅雨。花架十丈薔薇嬌。近人好事侈媿雅。翁學士外孫^星與錢^培未央上林卯金製。瓦當無數傳長安。其間賈鼎頗雜出。博會往往勞言銓。主人嗜古得真古。千秋五鳳同寶旃。他時採入武林志。更煩洪适成新篇。

訪徐石漁于沙邨精舍

興至輒相訪。百年耆舊存。鬚眉看用里。橡栗老羌邨。微雪鴉爭樹。斜陽客到門。盤餐期信宿。晤對戀清樽。

智海禪院夜坐

三月祇園住。蕭然遺世情。夜深松露滴。夢與佛香清。隔院聞鈴語。空塔來鶴鳴。維摩有真諦。擾擾媿吾生。

十三山

絕壁插空冥。邊門未了青。千尋蟠北戒。一氣落東溟。松杳看培塿。辰韓作枕屏。何年此開鑿。吾欲問圖經。

碧雲寺

入寺鬚眉綠。曉雲衣上生。天浮雙塔迴。石與亂泉爭。雨後藥苗長。林邊山鳥鳴。言尋翠微去。前路有鐘聲。

獨山門

在太湖口

門束太湖水。危湍獨一拳。山曾經禹鑿。石不受秦鞭。日落鼉鼉渚。秋高鴈鷺天。日窮三萬頃。好放洞庭船。

送陳桂堂守辰州二首

頻年同省闕。相送楚江西。關砦連三戶。雲煙入五谿。觀風雜夷獠。行部徧畊犁。公暇攤書坐。官齋聞竹雞。君去逢衡鴈。三湘木落時。秋風武侯壘。夜雨竹郎祠。夢逐辰江遠。書探西洞奇。故人思曼在。傳語寄相思。

金陵懷古

神異曾傳伐荻洲。金陵王氣未全休。樽蒲草澤英雄在。瓜豆中原割據秋。太息北人思飲馬。可憐南國唱符鳩。白門又報收袁粲。付與遺民怨石頭。壽陽白馬近臺城。選佛齋壇懺不成。龍瀆西來傳舊語。犀軍北顧散空營。七官無術能匡難。五月何人爲解兵。不獨江南悲庾信。茂陵腸斷沈初明。

由崑山至青浦舟行墟落間卽事

秋色東南正渺然。一帆疑葉下吳田。柴門流水微通逕。細雨斜風不滿船。晚飯眞宜舵樓底。清樽重憶草堂前。玉山回首匆匆過。遙指葺城又夕烟。

余宦遊六年故鄉交舊零落殆半感念存歿因繫以詩

少日交游共賤貧。草堂燈火話悲辛。招魂地下多新鬼。薄宦天邊少故人。白社秋風沙上切。黃墟夜雨夢中塵。他年絮酒西郊路。隣籬蕭蕭涕淚頻。

中關行帳觀返照和鮑雅堂韻

層疊岡巒擁一關。晚霞低冑夕陽斑。雅翎黃掠晴原樹。螺髻青迷大漠山。地抹昏烟千帳外。天橫秋色亂巖間。西來更指興安嶺。古蹟蒼茫是朶顏。

重九日廣寧道中作

塞上孤城倚大荒。搖鞭無語對斜陽。十年田里蕪三逕。九日邊關少一觴。晚晚年華看菊蕊。別離兄弟檢
莫囊。白雲攔斷登高眼。不許愁人更望鄉。

北鎮廟

巨鎮嵯峨倚碧虛。青蒼一抹走徐無。虞封圭幣尊荒域。遼塞山川扼上都。畫壁風雲羣后會。空堂日月萬
靈趨。東丹遺蹟今誰問。寂寂松杉鳥自呼。

津門秋感

薊北霜寒上敝裘。瓦門關外客登樓。中年親串多華髮。此日山河又暮秋。葉落雍奴笳吹動。雲迷碣石鴈
聲愁。飛揚跋扈平生志。鑿空終當萬里游。

平沙獨立感蒼茫。濁浪滄沓落日黃。鄉里未能乘下澤。侏儒久已笑東方。竭來燕趙悲歌地。欲問邯鄲挾
瑟倡。馬客幽州最無賴。壚頭日日醉千場。

西風蕭瑟角飛城。北望長安秋氣清。俠少短衣誇射虎。通侯小隊試彈箏。依劉有客悲王粲。諭蜀何人似
馬卿。辛苦西南諸將帥。荷戈今日尙論兵。時四川未平

黃金突兀暮雲封。郭隗於今未易逢。塞上寒烟橫獨鹿。天邊秋色隱盤龍。鯨魚吸浪生鱗甲。海鳥迴風怯
鼓鐘。江上季鷹無恙在。五湖歸去擬相從。

吳蘭庭

一字肯石歸安人乾隆三十七年舉人有南霄草堂詩集

蒲謁山房詩話肯石為吳編修大受高第弟子少以文名吳越壯遊燕趙多皆深清健之作年六十餘流寓京師與仁和吳君麗廣長元齊名時號二吳肯石有五代史纂誤補四卷長元有宸垣志略十六卷肯石在京師嘗寓馮編修集梧系既南歸又寓秦臬使羸署中詩四卷句如吼泉橫短釣荒墅綴疎花柳痕妝閣翠花氣酒船香晴烟融碧樹小雨漲紅潮春旗絲雨潤水市曉風腥夢場風引雄荷浦雨隨鷗星光寒墮水樹影遠隨人鶴籥寒食節絲雨杏花天鶯花成昔夢烟月歎浮生梅扶老態猶含蕊草釀柔情未破萋山色當門朝旭麗松聲滿院夕陰寒被酒並尋盤馬地乞花同泛釣魚船愁鬢欲星還作客長途無日不登高皆耐人諷詠

柏井驛

天風吹縹緲徑挾山百折我行秋方中寒氣已凜冽兀兀有虛警短夢作復輟初日出東方人馬同欣悅不辭登陟勞屢見土風別山要互疎烟居人乃窟室戴履俱后土一竇洩天日蟄蟲壞其戶動物宜羸物古民既陶復隙地亦甌脫聚族得棲止此言生且活樸野無物累愧我身世拙回首彌忡忡窮途畏顛蹶

韓信嶺

一逕走峻坂崖壁若環衛行行漸幽默如入永巷內日御歷線天見午不見未亂山鈔木石蠢蠢唯積塊堆阜忽俯瞰突兀壓我背脉疎質已離若然恐其墜勢險比巖墻疾驅思縱轡却怪繞馬首抗行斷復綴保無或偶然適與慨機會頗聞漢韓侯奮蹟致高位一蹶中危法乃為兒女賣詎伊非英豪良由昧進退

卽今弔荒塚。行客發深慨。凜凜抱微軀。鞿孤彌白貴。

園樹

園樹陰初匝。池荷香不收。薄涼先在水。疎雨忽疑秋。入世方桃梗。依人只蒯緱。可堪牢落意。獨對小庭幽。

村家

清景銷煩暑。披尋午睡餘。柳風驅犢健。槐雨聽蟬疎。矮屋門雙扇。平橋水一渠。村家塵事少。便擬卜鄰居。

蒹葭

渺渺愁心結。淒淒極目同。江湖勞遠夢。身世怯秋風。危榭波平檻。孤舟雪打篷。蹉跎余有恨。相對此衰叢。

過文石山房有感牧園先生

安昌絃管最風流。池館荒涼幾度秋。豈有虎賁憐北海。空餘馬策慟西州。他年國士誰青眼。此日書生已白頭。瓠落自慙知遇厚。一尊重與酌松楸。

趙希璜

字渭川。惠州人。乾隆三十九年舉人。官安陽知縣。有四百三十二峯草堂詩鈔。

彩雲軒晚眺

雨色圍春住。龍孫解籜肥。當軒崖仄立。搏石水斜飛。嫩綠生新草。殘紅送落暉。山家饒樂事。花外掩柴扉。

自題羅浮烟雨圖

不忘穉川約。尋春跨蹇行。山頭霽烟雨。天氣乍陰晴。遠樹森森立。流鶯恰恰鳴。敲詩露癡態。人盡笑狂生。

鴈

紅葉滿滄江。寥天鴈一雙。秋澄黃荇月。夢醒碧蘿窗。古渡片帆落。疎鐘何處撞。蟲聲還泣露。悽絕對殘釭。

留別馮魚山太史

那堪潦倒老京華。魂繞羅浮處士家。炊熟黃精山月上。霞衣縹緲踏梅花。

玉堂金馬位君身。我逐浮名失我真。拋卻山中好風景。青山早已笑詩人。

高文照

字潤中。武康人。乾隆三十九年舉人。早卒。有蘭清山房詩錄。

蒲褐山房詩評。潤中以選拔來京。應試。適予隨侍木蘭。未與相晤。留詩而去。及從塞垣歸。潤中則已下第南還。久之。中式。寓于滿洲某公家。教其子弟。予時在蜀中。及還。病將革。謂其門人曰。我雖不得受業于王公。而刻我詩集。必求其序。及丙申。予返京師。其門人具述前言。深為感嘆。因作序貽之。又二十餘年。聞其集已刻於茗溪。以予文冠其端。然亦未見刊本。始就蠹所撮者錄之。至其詩風發泉湧。言之高下。皆宜。住者固不盡於此。

能仁寺看梅

雲消烟岫青。雨止風潭碧。侵晨步祇園。鳴鐘花外隔。精廬掩修篁。小磴通雙屐。討春憩白堂。方丈名世界一。

時白林深雜鳥暝。逕古斷人迹。想際月朧明。清影上瑤席。開士情未忘。淪茗款吟客。顧此無垢體。得遊衆香國。晞髮雙樹間。裴裒竟芳夕。一笑還破禪。落英紛點額。

泊舟西冷橋步人棹霞嶺

青山久招要。幽討阻孤往。枯筇勝侶俱。登岸頓心爽。初塗稍坦夷。仄徑漸澹嶢。榛荒目屢顧。峯陡面恆仰。扶欄足小駐。遠近景羅掌。湖光蕩日圓。雙眸豁虛朗。雲來苔磴濕。泉吐松根響。暢此塵外蹤。遽作天際想。翦茅定何年。佇辦芒鞋雨。

秋日放舟玉湖尋上下釣魚山

水落積氣空。澄烟乃如練。整棹出寒城。孤光互湖甸。林迴微徑折。天霽層峯見。一洲蘆雪晴。衆塢楓霞變。澄波吟擊楫。風水忽相濺。捨舟躡斷磯。巘嶸聳遙眄。亭亭車蓋陰。瀾瀾浮玉面。橫岡逶迤密。樹入葱蒨。雲歸渚疑沒。日落山逾絢。孤松倘可巢。吾將垂釣綫。

客夜獨酌二首

新月皎河漢。涼颺襲輕襟。故園在茲夕。竹柏團階陰。辭家遠行邁。愀然遊子心。霜籬多萎條。風樹無安禽。時物亦已換。惆悵雙魚沉。天涯一樽酒。此時相酌斟。

夜坐覺秋永。殘雨入蕭散。獨飲醒意多。寒來不能斷。隣鐘聲漸動。壁燄燒微短。白露滿簾衣。幽人在虛館。

打冰詞

飛來一丈天山雪。截斷長河。堅入骨。要與冰。巨角兩雄。連檣椎破。魚龍窟。細冰戢戢。疑復開。大冰突兀。如山來。峻嶒一望不見底。三老長年如死灰。船頭日暮亂篙舉。倒射船牕作飛雨。前船不動後船聚。今夜仍須水裏住。

聞笛

東堂微雨歇。涼月上空林。高枕憺無寐。蒼龍何處吟。商飈驚暗至。河漢欲西沉。記得雙江郭。扁舟此夜心。

紅豆

南國相思樹。盈盈傍岸紅。收當經細雨。歌想按春風。玉合開頻數。上聲珊瑚碎略同。可能遙寄與。骰子意玲瓏。

晚歸丁家山下

片月當杯出。蒼山擁棹歸。蓮塘孤鷺暝。柳陌斷蟬稀。入浦歌聲杳。迎風酒力微。水仙祠下路。一磬扣禪扉。

贈葉秀才正始詩

此邦耆舊彫零後。未斷心香見此人。邱壑棲遲身竟老。文章流別世誰論。許渾風月編丁卯。周密叢殘志癸辛。家世石林應好在。幾時同作碧山鄰。石林築室卞山。自號石林居士。

嵇公祠

嵇公諱永仁。無錫人。范忠貞公幕僚。同日殉節。

弓刀一跨便從軍。草檄才高入幕賓。豈謂黑頭公輔器。翻成碧血侍中身。臧洪赴死原同日。許遠圖勳合並倫。咫尺靈旗風雨集。年年廟食配張巡。

移家三首

屈子何煩賦卜居。井泉近處卽吾廬。突黔不暇虛安竈。家具偏多爲載書。投刺了無新賀客。遺榮猶有舊懸車。門前一段鷗波漲。領得頭銜是老漁。

吟囊畫篋蠹橫陳。幾日安排覺斬新。明月仍來松老閣。青松又結趙家鄰。余新居與松雪齋對借他美蔭尊須設。移得名花屋不貧。移栽大牡丹花二株雞犬寂寥奴婢少。免教圖畫笑詩人。

當年辛苦話誅茆。余屢卜居禾中不果計拙依然誰作巢。差喜比鄰懷蟋蟀。肯嫌在戶詠蠨蛸。蓬蒿點綴宜開徑。猿鳥稀疎坐近郊。夢裏金陀坊畔路。寄聲林水漫相招。

寄遠

瑤琴愁撫十三徽。彈到思歸淚滿衣。賴是天南霜雪少。相思不用理寒機。

泊溇溪寄沈五

欵帆小雨易黃昏。風色蕭蕭獨夜邨。可道離愁是溪水。舊痕才退又新痕。

陪薛太史暨嚴大秋霞泛舟南湖登烟雨樓二十韻

兩槩伊啞破曉烟。四圍亭碧浸遙天。蜃嘘樓閣空濛裏。螺畫峯巒杳渺邊。不雨不晴常澹沲。非風非水互淪漣。狂遊自約登瀛侶。二客還隨羽化僊。境眩菰叢遮眼密。情多菱角刺衣穿。黃消霧柳雙眉皺。綠約風萍一鏡圓。瞥過輕鷺騰藻繡。驚心法象現重蓮。桂花落後門空鎖。柿葉垂時墨尙鮮。鴈齒排橋彎似月。龍頭裝屋小於船。灑來僊榜榮三接。賦就花陰記八甄。壁間敬觀御製詩與
撫臣莊有恭聯句絕島豈宜人問渡。開波應許鷺分眠。層層曲榭鋪吟席。往往清宵鬪管絃。蓮唱半飄僧枕上。漁燈都到酒樽前。湖誇西子徒爲爾。宅泛鴟夸不偶然。舊事戒提千載恨。新聞好紀五朝編。考烟雨樓記知
樓址始自五代得同汾蟹松鱸興。重述嘉禾瑞藕年。痛飲歡勞鐺折脚。叢殘話溯地由拳。一灣水繞前生夢。三過蹤留此日賢。秋老潭蓉紅欲滴。歸遲沙月白堪憐。移家準擬從公住。只少千金圩上田。

溫恭

字荔坡。福建永定人。乾隆三十九年舉人。今官青浦知縣。有蜀行偶草。

過彭澤縣

落日嶺頭樹。秋風江上城。斷崖連埤垵。孤嶼倒空明。幸出三巴險。誰憐萬里行。今朝下彭澤。懷古愧高情。

五頂關

懸巖峭壁水潺潺。路人寧羌五頂關。直北雲堆秦塞樹。依南猿嘯益州山。石經血濺餘兵氣。雨帶風涼滌客顏。休問此行緣底事。驟綱十萬餉戎間。

宿硤石驛次壁間韻

宦游遑惜鬢毛斑。轉餉來過硤石間。今日逢人問巴蜀。何時飛度劍門關。

吳錫麒

字聖徵。號穀人。錢唐人。乾隆四十年進士。官祭酒。有有正味齋集。

蒲褐山房詩話。浙中詩派。自竹垞初。白兩先生後。二十餘年。大宗太鴻起而振之。及兩公殂。謝嗣音者少。司成以雲蒸霞蔚之文。合雪淨冰清之作。馳聲藝苑。獨出冠時。既工駢體。尤善倚聲。而詩才超越。直繼朱查。杭廬之後。宜中外望之。指爲景慶也。情殷護背。乞假南還。雖未即安於閒適。而世已以白晁兩太傅。相期生性。溪山流連。詩酒青簾。畫舫綠簑。紅衫游筇。所造無不承蓋。扶輪掃門。納履。

盆柏渡遇雪

孤帆若無依。飄飄就寒浦。豈有行役勞。及茲感凄苦。冥合林氣肅。凍結石稜古。積陰如趁人。慘異變亭午。疎聲表初雪。繁響雜飛雨。叢蘆易蕭條。豐篠極掀舞。來檣雲際辨。去鳥煙外數。棲止難預謀。捷徑爾何取。牽蘿懷美人。會見茅茨補。

桐廬道中寒雪初晴月色皎潔

扁舟屢沿轉。不厭風水聽。矧茲雪霽佳。片月林外醒。寒姿結窈窕。幽壑穿瓏玲。雲歸微素合。波往虛光停。明明帆弄葉。晶晶晶開屏。身在衆山中。不知山色青。巖端發清磬。潭底搖疎星。桐君爾何人。寂寞仙扉扃。攜鋤采藥去。歸來已千齡。幽夢永今夕。雞唱天冥冥。

泛舟出東新關至臬亭看梅

春風吹觴聲。搖曳在烟際。湖游從迴波。謀野獲新霽。柳條綠已舒。草脚青不細。微微賸松雪。稍稍出山髻。前村暝逾深。遠樹明復翳。徐聞鐘磬招。願結瓶鉢契。人來僧語熟。月大寺門閉。三匝繞花身。讚以妙香偈。

黃土梁

斜日照行客。一鞭歸鐙敲。陂陀望若平。寒雲注虛坳。石骨陷其裏。周以積土包。荒荒忱真虎。慘慘橫瘦蛟。登頓亦已疲。豁然見衡茅。年豐畢婚嫁。少婦方垂髫。晴檐理針線。念將新歲交。感我勞者唱。詎免居者嘲。

夜觀烏龍山野燒

松門月黑風亂旋。山影下覷窗西偏。非星而星山之巔。幾點初若流螢然。升之樹杪紅燈懸。俄而不見峰側穿。倏又見之電掣圓。一峰突湧亭亭蓮。前峰後峰跗萼連。其下一珠龍抱眠。烏龍不烏光蜿蜒。赤龍銜銜欲上天。是何草木當赭鞭。百蟲將軍卑爾權。爾生爾殺爾自尊。象以齒焚蘭膏煎。蕉夢不醒秋墳邊。哀哉牧火遺荒阡。禍并玉石成灰煙。我惜山黛蛾眉妍。使彼濯濯誠何愆。有酒欲濯術不仙。安得倒挽山下

泉。女丁婦壬驅爾駟。遊山明日衣同褰。

師子林歌

雄雷震空六甲驅。空青塞戶陰模糊。卷毛磔舌形狀殊。逃盡虎豹豺狼羆。諦視細細蒼苔鋪。伏而不動非石乎。陡回驚悸生歡娛。洞天咫尺開仙都。中不百畝蛇綫紆。五里十里盤崎嶇。前之升者猿附塗。以踵摩頂仰可呼。忽然索之又亡逋。白日在空午欲晡。翻身跳入壺公壺。四壁翠灑松雨麤。松生石隙老更腴。不階尺土元氣扶。松耶石耶德不孤。石以松古青逼膚。松以石怪垂龍胡。天風來往調笙竽。滿身雲氣留斯須。出門輿馬喧九衢。胸中了了邱壑俱。吁嗟乎。胸中了了邱壑俱。千秋畫本思倪迂。

題翁覃溪前輩方綱所藏唐泰山摩崖銘拓本

昔聞泰山封禪七十有二代。千八百處勒石紛周遭。浮雲倏忽幻蒼狗。遺蹟荒遠難爬搔。祖龍紀德無德紀。直以沒字欺兒曹。開元天子履乾位。海內殷富忘飢嗷。登封擇吉臨渤海。圓壇五丈陳旌旄。金雞唱日百靈集。天門咫尺升焄蒿。爲民祈福木盛德。煌煌玉冊何須韜。禮成鸞鶴亦翔舞。清響細曼仙人璫。羣臣稽首帝有喜。永垂洪烈齊唐陶。大書深刻一千字。力挽巨海迴波濤。卽如銘詞典重亦似出燕許。不然如椽大筆誰能操。謂將從此愆後患。文云將多於前切而愆彼後患豈意先笑終號咷。飛霜殿上豬龍逃。延秋門外鳴弓刀。太平不告兵屢告。燎柴火換烽煙高。青驪遠去劍南道。無復御馬登神泉。秦松漢柏亦何有。回首泰山萬

里空嶮槽。我昨渡河來。望遠心魂勞。未臨日觀視突兀。每指雲闕思翔翺。側聞此碑椎拓洵不易。梯空上似懸藤猿。玉堂仙人何年得此本。販來美錦誇蒲萄。高凡三丈闊一丈。背負那不煩靈鼈。縱觀何異篋刮目。八分妙理窮秋毫。平生懷古感興廢。雲烟過眼增切切。東鷄西鰈亦何取。銘功表德徒稱褒。中興之頌靡崖早。靈武君王又和袍。

辛丑十月移居蒲褐山房卽趙天羽給諫寄園故址

我本識字耕田夫。一椽家住錢塘湖。自從釋褐注朝籍。破屋久向長安租。一年官俸抵不得。打門那免人追呼。中庭更無草木映。如人面目先焦枯。昨晨過客爲我說。有屋乃在城西隅。寄園名字耳所熟。況復償減千青蚨。天寒手指凍欲裂。移家連日忙妻孥。莫謂先生家具無。有酒在甕書在廚。蹇驢一頭車一輛。從以赤脚長鬚奴。入門老樹相顧笑。此間去住皆酸儒。趙家給諫老著述。墨痕四壁常沾汗。當時談空說有虎。滿窗落葉啼飢鳥。後來名士尤作達。於此但結文字娛。村夫子相誰不識。今朝又入移居圖。墻陰手剔故人迹。尙剩健句追歐蘇。壁間有王蘭泉鴻臚移居詩石刻先生自喜道不孤。檢書插架酒注壺。飲酣一吸盡江海。歌罷萬籟調笙竽。人生大抵如寄耳。能寄所寄惟吾徒。欲從莊叟論齊物。誰信柳子非真愚。來春坐待花樹發。繁枝壓屋清陰鋪。開簾無事日把卷。何必更憶秋江鱸。

移居以來同人多以詩酒相招醉後成篇仍用前韻

三家村住非村夫。

往時王蘭泉副憲暨翁覃溪諸桐嶼兩前輩比鄰居此。同人有三家村之目。

詩人豪氣吞江湖。滿城風雨自吟咏。閉門不怕

人催租。十年舊事等雲散。求友但有禽聲呼。我移家來已歲暮。蒲萄一架虬藤枯。林閒殘雪未融釋。瘦日

初上東南隅。請隣尙少芻。後酒迎富那得飛來蚨。何如西湖處士宅。梅可作妻鶴可拏。先生自笑長物無。

炊烟不起塵滿樹。東家西家邀我飲。紛紛折簡來奚奴。酒酣耳熱不得意。高談座上驚庸儒。玉缸惜少翠

袖捧。醉墨不顧青襟汗。自東徂西歸路遠。每聽城上三更烏。捫心清夜無愧怍。能令衾枕生歡娛。明朝僵

臥亦何害。一幅自寫袁安圖。陽春有脚無不到。蟄蟲何日能昭蘇。旁人莫謂意太孤。萬事已如冰在壺。旁

人莫謂宦太冷。一官已任風吹竽。詩壇一席置狂客。燕市五載稱酒徒。得廬吾自愛所愛。避熱誰信愚。非

愚。平生舊業相料理。短榻尙有青氈鋪。菜根齏得滋味足。何必頓頓思蓴鱸。

西湖夜泛

水展琉璃箔。人乘書畫船。蟲聲千葉雨。月氣一湖煙。壞塔黃妃剩。清詩白傅傳。勾留逢此夕。半在藕花邊。

庚寅春再赴嚴江同舍弟錫麟舟中作

聽風兼聽水。三度上江船。遠樹霽寒雪。一帆明月煙。人耽高隱地。山媚早春天。正擁羊裘坐。嵐光墜我前。好句忽飛到。與吟惟子山。江山如昨夢。兄弟此扁舟。野水爭灘上。閒雲爲竹留。他年翦燈話。毋忘富春遊。

尋春

吳淞道中

蓬蓬渾不遠。盎盎竟難名。酒熟花初發。天晴草亂生。何來南浦恨。不盡夕陽情。破得青山笑。流鶯又一聲。
重到吳淞路。清霜十月中。蟹消諸籩火。蘆捲萬梢風。柳色天如接。山眉畫最工。夕陽容易落。微剩柏林紅。
讀放翁集
鐵馬金戈夢不成。熏爐茗椀寄餘情。蘇黃以外無其匹。梁益之間老此生。擊賊未忘垂釣日。臨終如唱渡
河聲。長吟直與精靈接。千億梅花坐月明。

初雪

爬沙一曲譜簾櫳。密灑斜飛態不同。對我青山蒙絮帽。待人粉本畫漁篷。濁醪已長前村價。黃葉纔空昨
夜風。報與老農應色喜。鴉娘門外咒年豐。

春草

東風吹得燒痕蘇。陌上青青半有無。十日雨晴熏蛺蝶。一江水暖長蘼蕪。淒迷如夢如煙裏。晚晚飛花飛
絮俱。多少鷓鴣啼處客。年年腸斷洞庭湖。
高接林巒低水濱。風光一片屬芳辰。但尋門巷渾無路。豈爲天涯減卻春。塞北至今青塚在。江南相望綠
波新。萋萋送別先愁我。不獨江淹是恨人。

湖上看雨

青溪纔得下桡臺。忽響南山一道雷。雙白鳥邊催陣起。萬荷葉上聽秋來。涼生漁艇誰吹笛。醉向湖光莫放杯。眼底菰蒲蕭瑟易。水龍吟激暮天哀。

題黃仲則遺詩後

謫仙樓上謫仙詩。如此才華可惜之。廿載風花龍出骨。萬言珠玉豹留皮。美人黃土今生歇。才子閒情若箇知。想見一燈秋雨裏。通眉長爪苦吟時。

虎邱三首

虎氣消沉鶴市荒。東風容易客迴腸。貞娘墓上年年柳。畫了春愁畫夕陽。水閣家家風幔開。畫闌曲折粉塘迴。冶香輕似落花過。快櫓瞥如飛燕來。

看紅看白數花枝。傳唱朱翁樂府詞。一半櫻桃一半笋。送春天氣不多時。竹垞翁虎邱葉兒樂府一半兒櫻桃一半兒笋。

范來宗

字翰尊。號芝巖。吳縣人。乾隆四十年進士。官編修。有冷園詩鈔。

拈花寺早起

山居夢初迴。晨曦未到嶺。天地發清機。但覺衣裳冷。草濡蟲亂鳴。松高鶴爭警。倚立巖石間。游目聊一騁。

山外正酣眠。何人發深省。

白雲泉和潘榕皋農部韻

昔日同尋勝。今來獨品泉。鳥聲閒似客。山意靜於禪。檻外留斜照。鐘中有剩烟。未憂腰腳弱。更結上層緣。

法螺

登陟憑筇杖。迴旋似結螺。修廊緣礪轉。嵐氣染衣多。別自開丹嶂。天然引綠蘿。願言頻過此。安樂有行窩。

唯亭小泊

一峯船尾送。歸路晚蒼茫。風雪殘年短。江湖獨夜長。雲寬全借水。市小半連鄉。此地宜魚稻。年豐樂未央。

顧宗泰

字景嶽。號星橋。元和人。乾隆四十年進士。官高州府知府。有月滿樓詩集。

魚臺舟中

荻花無數夕陽邊。景物依稀入楚天。白板橋通沽酒市。綠楊村聚賣魚船。水環棠邑民風古。驛傍河梁客思懸。有河梁譯此夕看山認齊魯。鄉園望斷轉淒然。

登雞鳴山

蒼涼俯瞰建康城。碧磴盤空到眼明。平楚殘霞開夕照。後湖秋雨入新晴。聞雞埭古荒烟合。射雉場空芳

草平景色最增羈客感。千年陵谷動關情。

司馬相如

琴心一曲感慙慙。酤酒還憐憤鼻禪。底事白頭悲怨切。誰人更與賦長門。

松陵道中

數聲欸乃下輕艤。飛動波心鷺幾雙。正是水牕高睡足。一天幽夢落楓江。

曹錫齡

字受之。號定軒。汾陽人。乾隆四十年進士。官監察御史。送述庵先生予告南歸。

帝佐資碩德。應運公爲輔。中外久敷歷。名臣勳業樹。清風歌穆如。今復見吉甫。昨歲古稀過。致仕例援古。

杖國杖鄉身。逍遙遊化宇。況復江南濱。疏傳喜接武。謂辛楣先生獨惜典型去。鴻飛思遵渚。花朝醉陶然。流光

春風舞。一闋驪歌成。寸心離緒吐。

李廷敬

字寧圃。滄州人。乾隆四十年進士。今官松太兵備道。有平遠山房集。

會昌登陸喜晴

江練澄朝霏。林花耀旭景。平沙晴愈潤。烟草相與永。歸雲赴遠岫。餘瀑喧近嶺。村途紆稻畦。山徑抱樹瘦。

俗殊意難測。禽變心自警。扁舟三日醉。幽夢乍一醒。安得摩詰筆。繪此獠獍境。

將至嘉應維舟野泊却寄問波

麓斷山重起。潮迴水欲窮。溪雲深貯月。石瀨險生風。別緒思楊柳。音書隔雁鴻。今宵米家舫。應泊鳳台東。

韶州雜詩

一曲清江匯。遙趨峽萬重。孤城如鳥嶼。二水會魚龍。北嶺迴秋雁。南華隱暮鐘。三瀧非險阻。從古人堯封。

除夕對酒

易醉以蘇酒。難爲爛漫歌。南溟厭蛟蜃。西楚尙干戈。遲暮朋儕少。窮愁歲事多。孤城對烽火。今夕意如何。

潞河舟行

黃葉聲繁雨脚斜。輕舟宛轉避汀沙。河流曲似穿珠蟻。節序忙於赴壑蛇。去住關情秋燕子。榮枯相倚野藤花。一痕漸透斜陽好。欲染閒雲作絳霞。

過汪研齋司馬秦淮小寓留飲兼示舊作

暇日相尋一舉樽。風光人比浣花村。羣山過雨青排闥。春水如苔綠到門。我拂垂楊驚聚散。君吟芳草自

朝昏奚囊滿貯驚人句。寄託深時不易論。

嚴 一福

字景仁。號愛亭。吳縣人。乾隆四十年會試第一。官至編修。

池上和韻

柳岸秋催老。湖汀曉送香。雲沈菰米暗。雪散葦花涼。鏡水遊同勝。歌湖興共長。徘徊未能去。隔浦野煙蒼。
乍歷三秋候。頻來一水鄉。魚遊渾可數。鷗狎久相忘。小徑留寒草。流波蕩夕陽。陂塘清似畫。染就有微霜。

題消夏圖

勝地堪延賞。遙連太液波。輕風荷氣遠。斜照柳陰多。書畫船難擬。蓬壺景未過。寄情良有在。不必擁笙歌。

送汪雲壑修撰視學雲南

九重寵命擁華旂。地紀烏蠻自漢年。三策天人爭說董。中朝文物久敷演。談經方見追前哲。時述庵先把酒其如對別筵。爲想輶車吟眺處。昆明山色晚蒼然。生在滇

秋霜

瑟瑟金風到野塘。板橋人迹漸蒼涼。痕兼淡月千村白。寒入遙峯幾樹黃。侵曉何曾留竹瓦。連宵已覺逼繩牀。年來雙鬢頻經點。怕聽秋聲夜滿廊。

潑火雨

賜火傳來滿鳳城。旋看細雨過前榮。葦燒破竈難禁濕。柳起新烟暗覺輕。三月風光烘欲動。五侯門巷灑無聲。卻因朱騎塵飛後。倍愛天街景色清。

宋思仁

字汝和。長洲人。諸生。官至山東糧儲道。有有方詩鈔。

羊城懷古

兼弱秦功尙。開疆漢計勞。地分三楚遠。嶺限百蠻高。長憶梅銷節。終傳楊僕豪。興亡青史在。懷古首重搔。

屈原故宅

茫茫湘水漾空虛。昔日靈均此卜居。秦地可曾亡六里。楚臣徒自放三閭。汀洲香草情難盡。岸浦丹楓怨未除。萬古旅魂招不得。長沙風景又何如。

琵琶亭

雲山疊疊水悠悠。獨倚孤亭正暮秋。一曲清歌千載恨。兩行客淚四絃愁。煙花蹤蹟傳前事。詩酒風流紀舊遊。今日我來江上望。尙餘哀怨滿寒流。

水晶樓

綠窗碧瓦露初流。下有梧桐幾樹秋。萬頃湖光清似鏡。不知明月在高樓。

陳繩祖

字緝橋。祁陽人。監生。官至廣東糧儲道。有苕溪游草。

蒲褐山房詩話。緝橋。文肅公大受次子。世家華撫。輒以盛滿爲虞。及其兄開府楚中。卽析產別居。且謝病歸。寓蘇州之水仙庵左。然後卒。爲所累。奉母南還。抑鬱以卒。宋梯雲越序其詩。能往來吳越間。愛吳興山水清遠。詩筒酒盞。徜徉白蘋紅蓼間。自冬徂春。筇屐所至。輒成歌詠。

錢山漾

纔過碧落湖。卻入錢山漾。錢山松雪殘。稍稍青可望。狹路窮溪源。臨流忽開曠。午日泮輕澌。吳檣壓高浪。曖曖遠人村。隱隱樵舟唱。羣峯莽迴合。寒氣森相向。似聞沙禽喧。稍見漁艇漾。水國富蒲蓮。居民避春漲。余生楚澤濱。茲游頗清暢。倘住下菰城。餘年差可養。

方等禪林去法華山里許爲汪氏家庵

言過萬松谷。初入楊梅塢。修竹隱疎花。清泉帶芝圃。略約橫深溪。雞鳴辨山午。絕境不逢人。衣上時霑雨。

明霞墓

小褐明霞葬此山。魂歸猶自淚潺湲。澄湖月落開妝鏡。修竹風微隱珮環。慧業難消天意妬。風情寧待老來刪。春林自灑啼鶉血。陽斷游人日往還。

王啓焜

字東白。號秋汀。嘉善人。監生。官至四川鹽茶道。

水竹居集飲次玉厓韻二首

池館新開集勝流。罩檐濃綠午陰幽。鷗盟似雨聯今舊。萍漬隨風感去留。醉倚鶯花三月榭。夢迴蝦菜五湖舟。俄聽隔水笙歌細。籠霧和香一片浮。

雪山西望曉疑烟。一曲春波花壓船。甕啜村醪頻削管。蜀中田家多造甕酒。以水灌甕中。插竹管吸飲之。盤餐園筍不論錢。詩情

斟酌多餘味。官事消磨少雜緣。最憶比隣還步履。余別館巴山夜雨齋。即在屋北。每攜樽酒話燈前。

